

P O L O N I A  
D E F E N S A  
C O N T R A

IOAN. BARCLAI V M ,

Natione Scotum fol 40


bi , occasione ista , de Regno Genteque  
Polona multa narrantur , hactenus  
litteris non tradita.



D A N T I S C I ;  
ptibus GEORGII FÖRSTERI, S.R.M. Bibliopolæ.  
ANNO M D C X L V I I I .  
Cum Privilegio S. R. M. Polonia & Suecia.

A I V I O L O T

D-[S-dmz] 1/82



Jau

24



St-296

D-38/95



P R E F A T I O.



Indignanti mihi sæpius, tam contumeliose descriptam, aut traductam potius gentem nostram à Ioanne Barclaio, in libro, cui nomen ICON ANIMORVM; Deinde vero accusanti incuriam non vindicantium hucusque patriam calumnia tanta atque impostura: Repoluere quidam, ut præstarem ipse, quæ ab aliis requirerem, subiremque eum laborem, quem honori & gloriæ gentis

A 2 no-

nostræ tam necessario putarem  
impendendum. Detrectavi ali-  
quoties operam , eo quod se-  
rum nimis videretur , pridem  
scripta nunc demum refellere ;  
sed contra institere : librum  
quemcunque novum semper  
esse primum legentibus : ne-  
que negligentiam imitandam  
eorum , qui non responderunt  
recens evulgato : Nec differri  
deberet amplius responsum :  
cum & silentium non rejectæ  
hucusque calumniæ potius in  
argumentum agnitionis , quam  
spretæ malignitatis trahatur ;  
Et auctor , nobis tam iniquus ,

alli-

15

alliciat ad lectionem multos ,  
lenocinio styli , non erudit i cer-  
te aut virilis , sed tamen vana  
specie atque copia , judicio  
quorundam amœni , aut potius  
luxuriantis . Nempe , postquam  
à verbis & imitatione antiquo-  
rum penitus abstinendum sibi  
esse duxit , adeo à veteri , id est ,  
vera & propria locutione ab-  
iit , ut pigmentis omnibus con-  
sumptis , fucum tantum obje-  
cerit imperitis , & ignaris veræ  
eloquentiæ censoribus . Subeo  
igitur his de causis , non illam  
hæresi infamem , sed innoxiam  
hanc alteram *eikonoquaxian* , often-

A 3 dam-

damque facile , quæ de nobis  
dixit , falsa & commentitia ut  
plurimum esse, & aut imperite  
ac temere, aut maligne ac con-  
temptim scripta. Verba autem  
ejus uno conspectu præmit-  
tam , mox partitum omnia ex-  
pendenda.

I O-

15  
+ IOANNES BARCLAIVS

I N

## ICONE ANIMORVM

Capite Octavo.

**H**Vngariæ à septentrione  
Polonia est, inde ad Ocea-  
nuni procedens Russiæ-  
que contermina. Tot spa-  
tiis diffusa regio pæne nullibi in mon-  
tes assurgit : & à planicie factum no-  
men , quam Scythico verbo Pole ap-  
pellant. Campi in immensum patent,  
quos nix altissima hyeme obruit : hac  
discussa segetes crescunt, non in indi-  
genarum tantum usus , sed & mari-  
delatæ , per multa Baltici littoris spa-  
cia, sterilibus fundis annisve opem fe-  
runt.

runt. sœvæ hyemes terram fluminaque advinciunt, quia violentia Aquilonis, nullis montibus repercussa, liberum ut in pelago cælum rapit: accedit septentrionis vicinia, & ibi emoriens solis vis, præsertim cum recessit ad brumam. Natura subsidium admovit profundissimas sylvas, quæ & in ignem datæ frigus expellant, & in suis præterea umbris animalia alant, quorum pelles fulciendis vestibus preciosissimæ habentur. Hac dupli ope utuntur in hyemem. Alio quoque commodo suis sylvis obnoxii. Quippe alicubi immensa examina apum fervent. Agrestia illa sunt, nec cujusquam cura aut pastum aut tecta accipiunt. Vacuis quercuum ramis aut truncis inhærent; ibi cereas

reas domos extruunt, & optimo melle implet. Hinc ingens facilisque in regionem proventus. Ceram Mercatores devehunt, ipsi melle confiunt potum, quem in deliciis habent. Flumina paludesque, plus justo quasdam provincias obruunt, adeo ut æstate vix possint adiri. concretis per hyemem undis curricula habent, quæ lubrica glacies facile evolvit: ita per regionem feruntur: & hoc est commercii tempus quo externi ad eos commeant, ceramque & pelles mercantur, ac si quid præterea sub tam rigido cœlo in premium nascitur. Plerumque lapides extruendis domibus desunt. Lignis ad parietes utuntur, stramentoque operiunt, præterquam in celeribus oppidis arcibusq; Optimum,

matum , quantum illa regio ferre potest exultis. Polonis ut plurimum dura vita , cœlo aspero , nec populi moribus factis ad nostri seculi venustatem , & hinc aliquando sæviora ingenia. Diversoria peregrinos excipiunt, longe à nostrarum terrarum ratione. Deducuntur in sedem quæ inanis , & plerumque perfossis ad accipiendum lumen parietibus , ventis quoque & hyemi patet, nulli quibus decumbant lecti , non erecta ad epulas mensa , longo ac multiplici clavo paries fixus est. illic hospites sarcinas quas habent in ordinem appendunt. multo deinde stramento sternitur solum ; & hoc in illis diversoriis protoro est. Itaque per illam regionem processuri ad iter ita se comparant,

quasi

*taberna mercatoria*

quasi domum circumducant. Cibos & cætera in alimentum ferunt, lectulos in rhedis collocant , ut nudis illis tectis excepti , sua supellectile , & famem & frigora arceant. Gens est ad ferociam , & licentiam nata, quam vocant libertatem , adeo ut infandæ barbariei legem multis seculis ibi solemnem, vix nunc demum omiserint ; *nimir Soeba  
in Polonost* Ea scilicet caverant ; ut qui hominem peremisset, solveretur metu judiciorum , si in jacentis cadaver projecisset pauculos nummos , quorum numerus eadem lege destinabatur. Nec tam vile fecissent humanæ vitæ preium , nisi sui genii impetu pro levi facinore haberent , humanum cruentrem prodigere. Ipsum nomen non tantum servitutis , sed & justi ac legitimi

B 2

gitimi

*Externo uti Angl  
Mysterni Franci, atq  
genus alij sunt Cels  
nus Creditorum  
Prærogativa No  
bilitatis Polonia*

gitimi regni oderunt. Rex ad patrias leges vi & armis adigitur. Nobilitas tristibus prærogativis se ipsa donavit, quibus possit sibi invicem & impune nocere, quippe Principi non satis juris est, ut, quod peccaverint, ipse vindicet. Maxime sibi credunt; nec major libido est libertatis in moribus, vitaque incibili, quam in religionum & cælestium rerum sensu; de quibus, ut placet, sine metu, & sentire volunt, & loqui: scilicet immani fiducia sui, quibus sapere alieno ductu pudet. Hinc in diversa hodie scissæ mentes, errorumque omnium lues, quicunque antiqua secula polluerunt. Quisque in suæ familiæ laudem intentus est; præsertim si in exteris incidit, & expertes suarum fortunarum.

*Exteros ea in re  
Germani Galli uero  
rid genere alij*

rum. Sævire quam decipere promptiores, & ipsi magis fraudibus quam vi patent.

Hæc de nobis Barclaius. Et pauca quidem ad iconem animorum, multa vero nimis ad calumniam & opprobrium gentis nostræ. Singula ut pensitemus, ait in primis:

+ Hungariæ à septentrione Polonia est, inde ad Oceanum procedens Russiæque contermina.

Iejuna profecto est nimis atque imperita hæc descriptio Poloniæ, quo ad situm, amplitudinem, limitesque ejus. Quam tamen leviter notasse sufficiat. Ne enim rigidus exactor videar, veniam dandam arbitror auctori, cum toto hoc scripto Geographicam diligentiam non curasse videatur, animos potius populorum quam regionum situm describens. At sciat hoc tamen lector, quicquid à Baltico littore, &

Germaniæ limitibus, tum Carpato monte, ac Tyra fluvio, inde vero campis Ponto Euxino adfisis, ac demum ultra Boristhenem amnem Moscoviæ termino, ingenti prorsus terræ marisque ambitu includitur, id inquam, totum Regni Poloniæ nomine censeri. Neque recensebo singillatim provincias quæ & quando in hoc corpus communis jam populi coaluere, separatum volumen requirit hic labor, præstandus aliquando Patriæ, quando hactenus pauca de nobis, eaque multis erroribus referta Geographi prodidere.

+ Tot spatiis diffusa regio pæne nullibi in montes assurgit.

Non est montosa Polonia nisi qua Hungariæ aut Volochiæ adjacet, & paucis præterea locis. Tatri autem Carpatei Biescian dicique montes longo certe tractu protenduntur, altitudine Alpibus, aut Pyrenæis non impares.

Et

+ Et à planicie factum nomen, quod Scythico verbo Pole appellant.

Derivatio & originatio hæc nominis nostri, quanquam multorum consensu recepta, merito tamen suspecta est. Quis enim dixerit populum ex tam levi causa nomen sumpfisse, fibique ultro indidisse? Nam non ab externis impositum hoc ipso fatentur, dum illud à vernaculo nobis verbo deducunt. Vnde probabilior illa mihi videtur, quam Cromerus à Lecho derivat, & Polakos ait dici, quasi posteros Lechi. Cum omnibus fere nationibus commune fit, ab insigni aliquo & celebri duce nomen ducere: Aut quam opinio quorundam assignat, dum à Latinæ Ecclesiæ communione nos Lachos vocari à Russis, qui Græcæ adhæserunt, etiamnum constet, unde po Lacku significat, secundum latinum ritum. Et hinc appareret novitium hoc nomen genti, & una cum Christiana religione cæptum, cuius certe antiquiores scriptores nusquam meminere. Sed cur

Scyti-

Scythico verbo Pole nos vocari dicat Barclaius, cur non potius Slavonico? & unde didicerit, Scythicum istud esse verbum? Ego certe nescio. Profecto ariolatur, &, *jam inde à principio probus*, innuit, nos Scytharum gentem esse. Atqui ut hunc primum errorem ejus ostendam, non pigebit pauca adferre de gentis nostræ origine. Bastranas, Peucinos, Venedos eas terras incoluisse, ubi nunc Polonia utraque & Russiæ nigræ pars est, ex Strabone, Plinio, Tacito discimus. Et Philippus Cluverius, exactus sane Geographus, apertis argumentis deducit Bastranorum, Peucinorumque terminos fuisse istos, *Vistulam, Aprum amnem*, Vulgo *Wieprz*, à fonte ejus linea ducta ad *Tyram* (seu *Dniestr*) tum *Pontum Euxinum*. *Istrum* (id est *Danubium*) ad *Hierassi* (id est *Druthi*) confluentem, & hinc *Hierassum*, tum *Carpathum* ad fontem *Vistulae*, usque ad Oppidum *Osvuzecim*. Hæc Cluverius. Venedi porro fuerunt, ubi nunc major Polonia & Prussia est, ad Ostium *Vistulae* & mare protensi, unde Venedicus sinus. Satagit quidem idem

*Plautus  
Pseud.*

*Lib. 3.*

*Cap. 43.*

*Germaniae  
antiquæ.*

idem Cluverius ostendere, Bastranas Germanos fuisse, sed frustra. Firmiter enim assero, quidquid à mari Adriatico, Græciæ Veteris, id est, Macedoniae terminis, tum Ægei maris littore, Propontide, ponto Euxino, Caucaso monte, Caspio mari, inde ad Obium amnem linea ducta; Tum vero mari & Albi fluvio, qui veteris Germaniae terminus fuit, ac denique Danubii parte, gentium nationumque includitur, unius olim fuisse originis. Causas assertionis meæ habeo istas. Primo Livius Bastranas à Philippo Macedonum Rege accitos ad Italiam populandam dicit, facilemque illis ad mare Adriaticum accessum per Scordiscos, eam ob causam ponit, *quia nec aut lingua aut moribus abhorrerent*. Porro Scordiscurum situs est, inter Danubium & Savum versus Illyricum protensus. Deinde eosdem Bastranas Thracibus permistos dicit Strabo libro septimo, & Pomponius Mela ab Illyrico cæptam Oram ad Istrum Pontumque ab una gente, dicit, habitari, sed aliis aliisque prædicta & nominibus & moribus. Et Sextus Rufus,

C qui



qui vixit tempore Valentiniani, totum fere istum tractum adscribit Illyrico, cuius septemdecem provincias ponit. Et denique omnes istos populos Græciæ finibus & tum Istro ac Ponto adfitos, nempe Dacos, Mæfos, Thracas, Pannonas, Getas, tum vero Sarmatas velut unius nationis historici omnes & Geographi veteres recensent, & Scythici generis esse, falso quidem dicunt, ut infra patebit, sed tamen hoc ipso testantur gentis ejusdem fuisse. Tertio urbium nomina quæ à veteribus illo in tractu ponuntur idem ostendunt. In itinerario Antonini Augusti invenio Thraciæ urbem Orudysza, qua terminazione, puto non posse inveniri nomen, in alia lingua, præterquam Slavonica. Et S. cum Z. coniunctim efferre, aliis populis infuetum, frequentissimum Slavis, & præsertim Polonis. Iam apud Ptolomeum in Mæfia urbs Daufdava, in Dacia Zirdava, quali terminatio ab eodem prope Tyram ponuntur Carfidava & Petridava. Et ad Hierassum fluvium ( id est Pruthum ) Zargidava Tamfidava.

dava. Et in tabula Peutingeriana ad Montes Bastranicos, id est Carpatum, Zagadava & Calidava. Cujus desinentiæ & nunc in Poloniæ provinciis multa oppida inveniuntur. In Dalmatia etiam ejusdem Peutingerianæ tabulæ lego oppidum Bierzumno & aliud Pardua, quæ Slavonica esse apertum. Alia porro vocabula non mirum est Latina aut Græca videri, etenim pronuntiatione primum ab illis vitiata, postmodum scripto in terminaciones Latinas vel Græcas traducta: Aut novis etiam oppidis nova imposita, quæ per colonias à Romanis deductas, plurima fuisse condita certum est. Possem & quartum argumentum à moribus petere, illosque gentibus istis communes referre, ut equorum & arcus peculiarem & proprium illis usum. Sed immorari diutius tñdet. & satis me puto firmis argumentis omnium istorum populorum originem communem aut cognationem ostendisse. Id est, Illyriorum, Tracum, Bastranarum, Getarum, Sarmatarumque. De reliquis vero septentrionem versus gentibus,

bus, id est Russis, aut Rificibus, nullum est dubium. Nunc vero ut eosdem populos à Scythis diversos ostendam, sufficere puto unicum, sed validissimum certe, & quod totam hanc causam continet atque conficit, idiomaticis ac sermonis argumentum. Nulla enim re melius gentes aut ejusdem esse originis aut diversæ agnoscuntur, quam lingua, quæ vere vinculum est nationum, & certissima generis ejusdem nota ac tessera: præsertim si antiqua sit, & nulla mixtione migrantium populorum corrupta. Talis autem est, quam nunc primigeniam maxima parte retinent gentes, eo quem posui ambitu contentæ. Præcipue autem Russia & Moscovia. Nam & nulli Historici eo novos populos narrant demigrasse. Et non est probabile, tam incultas, tamque desertas regiones ab adventitia aliqua gente, pulsis veteribus & primis colonis, occupatas. Quis enim credat aut putet loca vix quindecim gradibus à polo arctico diffita, nuper vero detecta navigationibus Hollandicis (quarum Diarium

nauti-

*vnde potissimum  
agnoscuntur vincula  
nationum*

*... " " " "*

*" " " "*

15  
nauticum Amstelrodami Anno M D XCVIII editum, vidi ipse & legi) à longinqua & peregrina aliqua natione petita fuisse? Certe nihil eam potuit allicere, & scimus semper cultas ac uberes provincias ab incursionibus egentium & inopum populorum, impetas, non vero è contra. Vnde certum est, gentes quæ ibi sunt, aborigines, ut ita dicam, esse, & à prima terræ illius occupatione, continua successione propagatas; Porro, illæ lingua Slavonica utuntur, quæ, antiquissima & congenita illis, cum nihil habeat cum Scythis aut Tartaris, quanquam sibi conterminis, nec cum Turcis, Persis, Arabibus commune (qui omnes nunc sunt veri Scythæ, ejusdem ferre sermonis commercio conjuncti) nullaque prorsus vestigia verborum ejusdem nationis; Profecto sat aperte ostendit, diversæ nos omnino gentis ab illis esse, cum plane diversilingues simus; Neque movere quenquam debet veterum auctoritas, qui Sarmatiā cum Scythis confundunt, & passim omnes septentrionis populos Scy-

*... tamen non  
scytha*  
C 3      thas

thas nominant. Notum est enim quanta imperitia Geographiæ antiquis harum præsertim regionum fuerit, scimus quam falsa quam diversa tradant, misceantque. Porro quemadmodum nuperis navigationibus occidentem versus detectæ terræ in universum Indiæ nomine vocantur, partitum vero quædam, ad arbitrium inventorum, insignitæ sunt: Ita Græcos à conterminis Asiæ Scythis, omnes retro gentes septentrionem versus appellasse Scythas Strabo autor est lib. i. quasdam vero non proprio ipsis & peculiari nomine, sed prout libuit, aut ab aliqua nota indigetasse probabile est. Ita enim perpetua Geographiæ fraude fit, ut externi imponant nomina populis, neque vera aut ipsis propria, ac vernalia inquirant. A Græcis vero Romani *Tacitus.* quoquomodo tradita pro compertis habuere. Cum itaque apud veteres Geographos, nulla exacta inquisitio appetet, sed temeraria tantum & incuriosa assertio, nullis rationibus & argumentis fulta, ideo non curandum est, quid ipsi nugantur,

Et

— *Et quidquid Gracia mendax*  
*Audet in Historia —*

Cujusnam ergo ( inquietus ) sumus originis, quæ gens, quæ natio? Dicam quid sentio. Omnem illum ambitum terræ quem supra definivi, & gentes illas, quas unius linguae vinculo dixi contineri, universale & genericum quondam nomen habuisse puto, sed incuria scriptorum ignotum nobis. Nam quod Krantz dicit, Vandalorum nomen commune his populis fuisse, id certe minime comprobatur, neque mihi persuadet, & apertissimis à Cromero nostro refellitur argumentis. Certe dum ego omnia expendo, video omnem istam gentem quadrifariam dividendam. Nempe in Slavones, Getas, Sarmatas, ac Russos. Slavonicum nomen illustre quamvis ac gloriosum ( gloria enim & fama nobis Slawa est) non tamen vetustioribus scriptoribus ante cognitum, quam cum in Romanas provincias irruptionibus cæperunt in clarescere. Certe primi ejus meminere Iustinianeæ Historiæ scriptores, Procopius nempe Cæsariensis, &

& Iornandes Alanus. Nam constat testimonio & illorum, & Gregorii primi ad Episcopos Illyrici scribentis, Slavos quingentesimo quinquagesimo fere post Christum Anno, Illyricum, Thraciam, Mæsiam, Dalmatiāmque invasisse, & ibi sedes posuisse gentis, quæ nunc Slavonica ibidem est & cognomine & sermone. Quamvis enim illorum populorum antiquitus communem esse dixi originem, tamen ita in mores linguamque Romanam, primum coloniarum deductione, postea vero communitate civitatis, transiverant, ut vix ulla vestigia priscae gentis retinuerint. Itaque cultura & opulentia, facile invitarunt, quamvis consanguineos olim populos, ad sui vastationem & occupationem. Huic nomini præcipue accensendi sunt, præter illos qui in Romanas migrarunt provincias, avitis sedibus manentes Poloni. Tum vero qui in Germaniam transgressi, Moravi, Bohemi, Silesii, Pomerani, quos omnes Slavones esse, multi multis argumentis jam comprobavere. Et vel antiquissima his populis

pulis cognomina testantur, Venceslai, Vladislai, Stanislai, Boleslai. Vrbium quoque appellations, ut Vratislavia, Iaroslavia, Preslavia, Braslavia, aliaque complura ejusdem terminationis oppida. Getæ sequuntur, seu Thraces, quibus vetus Pannonia, Mæsia, Dacia, & totus Illyrici tractus adscribendus.

*Quaque alia gentes ubi frigore constitit Ister  
Dura meant celeri terga per amnis equo.*

Has vero ut dixi nationes multum immutavit Romana in primis dominatio, tum vero irruptio Hunnorū Scythicæ gentis, & denique Turcici imperii variæ coloniæ. Getarum vicina gens Tertia, Sarmatae, quorum veri limites fuerunt isti, (quoniam hæc confundant Geographi) ab Occidente Boristhenes, nunc Dniepr. A meridie Pontus Euxinus, Caucasus mons & mare Caspium, tum vero ab ortu Rha fluvius, qui nunc Volga. Idemque ad Septentrionem deflectens fere totam Sarmatiam ambiebat, & à Russia secernebat. Quæ quarta & ultima est gentis portio. Cujus incolas

D vete-

Ovid. de  
Pontio.  
Lib. 1.  
Eleg. 3.

veteres Geographi Riphaces & Riphæos & Roxolanos vocant ; Eaque continetur alba Russia , & Ducis Moscoviae ditiones , & Septentrionales illæ usque ad Novam Zemlam regiones. Hæc igitur gens est quadrifariam divisa , quam si vocaveris à principali nomine Slavonicam , non errabis . Illa autem nihil cum Scythis habet commune , quos ultra Europæ terminos , ad Asiaticos nempe populos relegamus , certis ac apertis limitibus ab illis divisi , lingua omnino dissimiles , moribus , & (quod maxime notandum ) religione plane dispartes & adversi . Machometanam enim Turcæ , Tartari , Saraceni , Parthi seu Persæ , Arabes aliquæ cognati sibi populi avide ac unanimiter hauserunt , Slavones vero aut Russi , quamvis contermini Scythiaæ , detestantur : constantissime post abolitum paganismum Christianæ (quanquam non sine Schismate ) adhærentes . Addo vero , nullam Linguam latius patere Slavonica , quod facile agnosceret , qui ab Adriatico mari ad novam Zemblam ( quod nomen Slavonicum

*slavi ab exordio  
sue gentis post aliis  
litteris & cognitis  
specie christiani.*

cum plane est , & novam terram denotat ) qui , inquam , tractum hunc maximum mensus fuerit . Plura nunc non addo , & hanc curam sepono , exacte magis & uberioris aliquando impendendam . Subdit Barclaius .

Campi in immensum patent , quos nix altissima hyeme obruit .

Omnia hic & multo magis infra ad conciliandum vituperium aucta invenies . Altissimam nivem Moscovia habet , nos saepe adeo illa non obruimur , ut adversus frigoris vim , tegi campos & sationes tutari exoptemus . Et profecto quoties nobis nivalis est hyems , Germania illam non minus experitur . Quinimo nihil frequentius apud Historicos veteres legas , quam nivem Gallicam , dici velut illis propriam , ita ut in proverbium venerit , & Petronius *natura* dicat *frigidior es nive Gallica* . Et Florus , Gallos habere quiddam simile cum suis nivibus , *Lib. II. cap. 4.*

dicit . quippe primos impetus eorum acres , sed qui mox , cum pugna caluere , velut nives sole liquantur .

+ Hac discussa fegetes crescunt, non in indigenarum tantum usus, sed & mari delatae, per multa Balthici maris spatia, sterilibus fundis annisve opem ferunt.

Decuitne vero almam & fecundam Cererem nostram, illam tot terrarum, tot populorum altricem, tam exili ac festina, immo vero, tam infida mentione præterire, & levi nimis prætervolare penna? Quam pauca hæc, quam tenuia, quæ de illa memorat? Dicit per littora tantum Balthica, idque sterilibus fundis & annis illam opitulari. Atqui culta illa tot urbibus, tot oppidis Batavia, quæ Balthico certe non alluitur mari, nostro potissimum pane victitat. Atqui velut olim Sicilia, ac postmodum Ægyptus populo Romano annonam alimentaque præbebat, ita nos horreum non Bataviæ tantum, sed multarum sumus nationum. Cum certum sit in Hispaniam quoque & Italiam deferri messes nostras,

&amp;

& frumentatione ista magnam Europæ partem ali ac sustentari. Et ut scias, qua copia & quanta ubertate; audi quæ hac in re comperta habeo. Constat mihi, hyeme decadente, cum nempe liquatis nivibus auctus Vistula faciliorem navigationem præstat, uno appulsi quinque millia navium Dantiscum secundo flumine aliquando venisse. Et, ut fatear, raro vernum defluxum tam copiosum esse; sed cum aliquoties, prout amnis intumuit, navigatio repetatur, non quidem semper pari navium numero, sed tamen magno satis: puto me dicturum minus, quam res sit, si quatuor milia navium ponam, computando insimul rates seu trabes connexas, quibus etiam plurimum utimur. Porro navis oneraria, quales Vistula devehit, cum maxima est, capit medimnos Romanos veteres (hac enim utar mensura) bis mille ducentos, cum minima mille. Et, ut quam proxime omnes exæquemus, facile quælibet earum censeri poterit, mille quingentorum mediorum; Quæ summa excrescit in sex

D 3 mil-

milliones medimnorum. Cum vero Medimnus fere ( ut inter summum infimumque pretium ponam , & triticum cum filagine alioque grano exæquem ) veneat medio nummo Imperiali , quem talerum vocamus ; Proventus anni unius, uno ex portu, erunt tres millones talerorum. Iam vero sciendum est , Dantiscum non devehi frumenta nisi è vicinis & adfatis Vistulæ regionibus , aut ab accolis aliorum fluminum quæ eundem Vistulam intrant. Ita ut vix tertiae partis Poloniæ sit iste provenitus , cum in Silesiam quoque ac Pomerniam conterminam, antequam utraque provincia esset bello tam exhausta ac deserta , plurimum frugum inferretur : Neque ad rationes istas , nisi exigua pars Russiæ pertinet. Quæ miræ & insuetæ omnino fertilitatis , adeoque alendis & augendis seminibus idonea , ut non modo centesimum fructum ( quod de Ægypto Plinius ) reddat , sed quod admirandum plane est , una satione , binam messem ( ex deciduis nempe spicis alteram ) quandoque adferat.

Nec

*Nec cultura placet longior annua.*  
Nec opus est, ut alter Poëta inquit, *Pinguī fimo saturare solum.* Sed subactum utcunque arvum, injectamque sementem, præciso arboris ramo occant, & uberrimum inde referunt proventum. Cum autem tam ferax ac fecunda regio , affluentiam annonæ, nec ipsa depascere , nec alio deferre queat, fit , ut vilitas ejus plerumque sit maxima. Iam Lithuania, quæ Magni Ducatus nomine audit, ferax & ipsa, frumenta partim Chronone, quem Niemen Vulgo vocant, partim Duna ( qui Ptolomeo est Ruben ) fluminibus devehit ; idque ea copia , ut ex portu Pilaviensi , certa fide cognitum habeam , quindecem millia Lastorum, exteris negotiatoribus vendita. Last vero continet medimnos fere quinquaginta. Et ex portu Memelensi sementis lini viginti tria millia tinarum seu doliorum ( nam id genus ibi est mensuræ , continens fere medimnos duos & semissem. ) Hæc ergo paucis scripta ubertas , clare satis ostendit , quantum à vero abiverit auctor, dum illam tantum

tum littori Balthico opem ferre dicit. Iam autem , quæ de hyemis atrocitate subjungit , expendamus.

+ Sævæ hyemes terram fluminaque ad-  
vinciunt, quia violentia Aquilonis,  
nullis montibus repercussa , libe-  
rum ut in pelago cælum rapit : ac-  
cedit septentrionis vicinia , & ibi  
emoriens Solis vis , præsertim cum  
recessit ad brumam.

Equidem clima nostrum cum Italiae situ non compono, & hyemem non nego multo nobis acriorem esse. Sed ut apud nos sit sævitia ejus maxima, id vero nego, & Ger- maniæ pleræque non minorem dico , aliis que populis æque ad Septentrionem por- rectis. Superat vero frigore Suecia & Mos- covia multo magis borealis. Sed verba Barclaii videamus. In primis dicit *terram fluminaque hyeme vinciri*. Quid autem istud miri aut magni est. nonne hoc plærisque

Euro-

Europæ populis commune ? Certe præci-  
puos ejus celeberrimosque amnes , Rhe-  
num & Danubium, *per hyemem sic gelascere* di- <sup>Lib. 6.</sup>  
cit Herodianus ex versione Angeli Politia-  
ni , *ut camporum in morem perequitentur*. *Esse* <sup>16</sup>  
autem adeo solidam firmamque glaciem , ut non pe-  
dibus modo ungulisque hominum & equorum sub-  
sistat ; sed qui hausturi aquam sunt, non tam urnas  
& vasa secum adferant, quam secures & dolabras ,  
ut excisam aquam , quasi lapidem sine ullo vase  
asportent. Certe Plinius Panegiristes , eun-  
dem Danubium, dicit , *ripas gelu jungere , du-  
ratumque glacie ingentia tergo bella transportare*.  
Sed nempe acrior apud nos duas ob cau-  
fas hyems , ob septentrionis viciniam , &  
camporum planitiem. Ista quam imperite  
dicantur, non mihi, sed omnibus credi vo-  
lo Geographis, quorum consensu Poloniæ  
situs ponitur eodem cum parte Galliæ , &  
Belgio climate ; ita ut Cracovia, Metropoli  
nostra , vix uno gradu latitudinis Lute-  
tiam Parisiorum superet , ab Antverpia au-  
tem superetur ; & Anglia, Hollandia, mul-  
to vero magis Scotia, ac Dania, ad gelidum

E acce-

accedunt axem nivalemque Arcton. Iam quo ad causam alteram Physiologia item non omnino constat. Nam & Belgium sub eadem cum Polonia plaga , ac parallelo, minime item montosum, neque à Borea ( qui profecto è vicino mari violentior esse deberet) ullo obstaculo defensum esse. non tamen adeo ingentibus frigoribus algere scimus ; Et non per totam Poloniā ubique inveniri (ut Lucretius loquitur) *equor campi plani* , ego tibi affirmo. Cum minor Polonia , tota fere in montes assurgat, nec tamen dispari sit aëris temperie. Alia igitur causa aliquantum intensioris ( fatendum enim est ) apud nos frigoris deberet assignari. Ego certe, dum illa quæ de Rheno ac Danubio, testimonio veterum,dixi, dum quæ Tacitus de Germania prodidit : *Hymem nempe potissimam anni partem occupare, terram segetes tantum ferre, fructuum vero autumnique, & bona, & nomen, ab incolis ignorari,* cum inquam hæc vetera , ei quæ nunc est omnium rerum, ac vini etiam, maximæ feracitati comparo ; huc judicio inclino, ut cultura

16tura & crebra inhabitatione , non soli tantum , sed aëris etiam , putem naturam mutari. Cur enim frigidior olim , quam nunc, Germania esset ? Certe nihil adferri probabilius potest , nisi quod antea deserta ac inculta, *nullas prorsus urbes* ( ut idem Tacitus inquit ) *aut vicos connexis ac coherentibus adificiis haberet.* neque agriculturam impense curaret. Nunc autem frequentia ac populosa oppida, tum crebra ædificia, & numerosi pagi , ac denique pinguis ubique ingestofimo gleba , omnia ista , inquam , calidius exhalant , aëremque tepefaciunt : Ita ut non ob septentrionis viciniam , Solemque, ut Barclaius inquit , emorientem , neque tam ob camporum planitiem , sed potius ob frequentiam minorem oppidorum , frigidior aura potuit antea Poloniæ imputari, quæ nunc ubique culta & habitata, multum demit antiquæ frigorum sœvitiae. Ita ut ejusdem quamvis climatis regiones , ortum versus porrectas , longe aëris tempeste supereret : non alia sane, nisi majoris culturæ causa , cum longitudo terræ ad im-

minuendam vim Solis nil possit conferre.

+ Natura subsidium admovit profundissimas sylvas, quæ & in ignem datæ frigus expellant, & in suis præterea umbris animalia alant, quorum pelles fulciendis vestibus preciosissimæ habentur. Hac dupli ope utuntur in hyemem.

Vt omnium rerum ad necessitatem vitæ humanæ affluentiam Polonia habet, ita & sylvarum, quantum satis est. Adeo ut vivere possit.

*Ligna super foco Large reponens.*

Attamen non tam obsita est arboribus ut spelæa habeat, aut celebrem illam Herciniam sylvam, quam Cæsar novem dierum itinere latam, longam quadraginta, Mela vero etiam sexaginta dicit. Apud nos non est quid simile, nisi forte in Lithuania ad confinia Moscoviae & extrema Russia. In Polonia vero ipsa, ubicunque ager est frumenti

menti ferax, & sationi aptus, excisæ sunt sylvæ, & quidem sæpe nimis. Ita ut egregius Poëta, & par omnino veteribus spiritu, ac eruditæ amænitate carminis Kochanovius, Satyrum inducat querentem, se pulsum propria fede, nimio incolarum lucri & quæstus studio, dum pars sylvarum cessit agriculturæ, pars in officinas ferrarias aut vitrarias absumpta est. Iam vero pellibus utimur, sed ab extrema Moscovia magno pretio petitis; estque hic luxus inter maximos, qui Poloniæ urgent. cum Zebellinis aut Martibus suffulta vestis, cuius inter nobiles frequentissimus usus est, constet aliquando prope duobus millibus nummum, quos vulgo taleros vocamus. Et una pellis, quæ vix sesquipedali est magnitudine, si præstans sit, plus quinquaginta taleris veneat. Sed adnoto quæ sequuntur.

+ Alio quoque commodo suis sylvis obnoxii. Quippe alicubi immensa apum examina fervent. Agrestia

E 3 illa

illa sunt, nec cujusquam cura aut pastum aut tectum accipiunt. Vacuis quercuum ramis aut truncis inhærent; ibi cereas domos extruunt, & optimo melle implent. Hinc ingens facilisque in regionem proventus. Ceram Mercatores devehunt, ipsi melle conficiunt potum, quem in deliciis habent.

Lib. 3.  
Cap. 16.

Lib. 9.

*+ Narratio ista de apibus erronea est, & multifariam falsa. Sciendum enim duplex genus apum in Polonia esse, sylvestre & domesticum. Vtrumque autem ( qui primus Barclaii error ) non est absque diligentia cura, non quidem tanta, quam requirit Varro, cum, *Verno tempore*, inquit, *& astivio, fere ter in mense mellarius inspicere debet, fumigans leviter eas, & à spurcitiis purgans alveum, & vermiculos ejiciens.* Præterea ut animadvertis, ne reguli plures existant, inutiles enim fiunt propter seditiones; Multo vero minus ea, quam nimis*

mis exæcte præcipit Columella. Operosum hoc esset, nec fructus inde pensaret laborem, sufficit quod bina quotannis inspectione curantur, Autumno nempe, cum detrahitur illis mel, & ( ut rustico verbo utar ) castrantur alvearia, cum contra frigoris vim muniuntur, cum denique alveare ipsum mundum redditur. Vere autem redente, par cura redit, dum quomodo hymenem perpeſſæ, inspicitur, dum alveare iterum mundatur, dum novis examinibus parantur sedes, excisis ex professo alveis ( non, ut Barclaius inquit, fortuito vacuis quercuum ramis ) nempe

*Vt cum prima novi ducent examina reges*

*Vere suo, ludetque favis emissâ juventus.*

habeant quo colonias deducant novas. Iam vero domesticæ majorem curam accipiunt, præsertim in Polonia ipsa. Nam in Russia, ubi præcipue res apiaria viget, aliquantum incuriosius habentur. Sepitur nempe locus medio in campo collocandis alvearibus, multa ponuntur vacua, ut nova recipient examina. Dum vero tempus legendi

accu-  
tam dili-  
gentiam.

Civilia  
animalia

Plinius  
Lib. II.

gendi mellis venerit, quidquid est in alveo excutitur, paucis propagationi ac futuræ relictis. Ingentem vero proventum hinc esse, verum est. Scio quendam amplas in Russia ditiones possidentem, à subditis decumæ annuæ accepisse mellis cados mille, cadus autem venit sæpe decem aureis nummis. Sed ridiculum est, quod dicit Barclaius, pastum illis non præberi. Homo acutus, hoc nisi addidisset, periculum erat, ne cibaria diurna dari illis putarentur. Dignus profecto ob hanc *axeliam*, qua natu- ram nobilissimorum insectorum (aves vo- cat Varro, Aristoteles autem magis splen- dide πολύτυχα ζῷα) scrutatus est, ut non cum Domitiano captaret mactaretque, sed pa- sceret potius muscas. Apparet certe vel hinc, quam accurate ista inquisivit. Legis- set saltem, quæ post Aristotelem Plinius scripsit de celeberrimo hoc regno, an Republ. potius dicam, nescio. Cum & sine Rege esse non possint, illoque amissio, pereat ac dissolvatur civilis societas; & quod Rerum- publ. præcipuum fundamentum est, æqua- litatis

litatis fint studiosissimæ. Nam (ut Plinius inquit) *nusquam separatim vescuntur, ne inæ-* *Ibidem.*  
*qualitas operis & cibi fiat.* Vnde puto mixtam esse formam, & laudabili prorsus temperamento, Principatum legibus devinctum, populique ac magistratum auctoritate, ne in tyrannidem abeat, libratum. Præser- tim cum inermem aculeo constet supre- mam hanc potestatem esse; ut benevolen- tia, nempe, potius civium (quod Principum est) quam metu (quod Tyrannicum) sit tutæ ac secura. Sed non lubet bugoniam (ut Varro loquitur) scribere, aut curam A- ristomachi Solensis imitari, qui duodecexa- ginta annis nihil aliud dicitur egisse. Ita- que remitto lectorem ad apiarios, & vel historiæ naturalis, vel rei rusticæ scripto- res. De potu autem, quem hydromeli, vel aquam mulsam vocamus, hoc addo, non nobis solum, sed & Germaniæ, præsertim in Pomerania & Dania usitatum esse. im- mo & veteribus non ignotum: cum Pli- nius dicat, *aquam mulsam, longa vetustate trans- Lib. II.* ire in vinum. Quod testatum facit Lithva- F nia

Lib. 3.  
Ode 14.

nia conditam à temporibus Vitoudi Principis asservans, puto absque exacta Chronologiae ratione, liquoris vetustate annotata, exemplo veterum, & Horatii, qui *Cadum Marsi memorem duelli*, & testam Consulū nomine, sæpius insignit, uti & alter Poëta, dum inquit,

Ovidiu.

*michi fundat avitum  
Consulibus priscis condita testa merum.*

Neque tamen potus iste in deliciis habetur, quinimo fere illo cautiores abstinent; cum suppeditet nobis vinum abunde Hungaria, quæ Poloniæ cella vinaria audit.

Flumina paludesque plus justo quasdam provincias obruunt, adeo ut æstate vix possint adiri.

Topographiam totius Poloniæ non ponam; longum hoc est, neque mei instituti. Tantum vere & firmiter assero, nullum locum Poloniæ non pervium inveniri, ne dum provinciam, ut ille falso dicit, uti & istud.

Con-

+ Concretis per hyemem undis, curricula habent, quæ lubrica glacies facile evolvit, ita per regionem ferruntur.

Pari omnino aut fide, aut peritia. Itane vero, non alia nobis itinerandi ratio, quam hyeme? & curriculisne tantum (puto illum trahas voluisse dicere) vehimur aut ferrimur? Desunt nobis, scilicet, lecticæ cultæ omni ornatu, quì adhiberi solet: atqui audacter dicam, non est natio, quæ tam splendide, & tanto vehatur apparatu; Plurima genera sunt curruum, forma varia, & aliis insueta regionibus, elegantiae vero singularis. Quidquid præterea uspiam, in Italia, Gallia, Germania, pilentorum, lecticarum, qua ad commodum usum, qua ad splendorem ac luxum inventum est, Magnates passim ac promiscue utuntur. Sejubibus quidem concoloribus vehi adeo usitatum, immo obvium est, ut id non ponatur in aliquo lautæ elegantiae censu. Et cum in exteris nationibus, vilibus plerumque

F 2 que

que effedis, quæ strigosi manni, præcisa aut rasa ut plurimum cauda, trahunt, patitiis etiam non indecorum sit uti, apud nos certe puderet, fortis alicujus aut fortunæ nobilem. Sed cum dixisset nos non posse itinerari, nisi hyeme (quod tam aperte falsum est, ut refutatione non indigeat) tum sub jungit:

+ Hoc est commercii tempus, quo externi ad eos commeant.

Occluso nempe Poloniæ aditu, sublata viarum commoditate, quid mirum est commercia tolli? Hoc certe consequatur necesse est. Sed ut primum commentitium prorsus esse dixi, ita & hoc non ego, sed quicunque tantilla Europæ notitia tinctus, facile falsi condemnabit. Quis enim ignorat, Dantisco celeberrimo emporio, tum vero Elbinga, Regiomonto, Riga, Stetino, aliisque portibus, ingenti copia omne genus mercium ad nos deferri? Certe Hollandia, mercimoniorum Europæ facile prin ceps,

*Plinii  
Paneg.*

ceps, præcipuum negotiationem apud nos exercet, dum quicquid ex India advexit, Poloniæ potissimum vendit. Certe Anglia pannificium, maxime nostri causa, curat; Certe aliae regiones maritimæ, ita commercio nobiscum junctæ sunt, ut communicatione mutua, *quod genitum sit usquam, id apud nos natum esse videatur.* Iam vero terra quot advehuntur merces? Italia non alibi uberius sericum vendit, cuius promiscuus & perpetuus inter nobiles usus est. Ita ut, absque nobis esset, unica ejus, aut certe præcipua, in fovendis bombycibus oeconomia, & artificium conficiendæ telæ ac vestis sericæ, penitus interiret. De Germania non dicam, quæ vicina & adsita nobis, permutat continuo suas opes. Hungaria quoque, ut jam dixi, nobis potissimum vendemiat, & generosum ac nobile merum propinat, ipsa vappam bibit. Iam Asiaticæ, id est Turcicæ ac Persicæ merces, quanto cumulo ab Armenis advehuntur, non est opus dicere; Nota hæc facile cuivis esse possunt. Et Barclaius, vel à popularibus

F 3 suis

suis Scotis ( nam fuit gente *Caledonius, Gallus natalibus* ) scire optime potuit. Natio ista pertæsa miseræ & sterilis patriæ , *Per mare pauperiem fugiens* , apud nos quæstum facit. Antea vilissimi propolæ

— *quorum Cophinus fenumque supellex.*

*aciculas tantum, cultellos, fibulas, & alia id genus minuta divendebant, cistas & scrinia dorso bajulantes.* Nunc vero ( forte postquam falsam Barclaii de impeditis itineribus narrationem agnovere) curru mercimonia devehunt, & per oppidorum nun-

*dinas vagantur. Mercatura autem ( inquit Cicero) si tenuis est, sordida est. Vnde illi eo*

*censu habentur, quo Iudæi. Estque omnino nobis clitellarius Scotus, & Iudæus*

*apella. Κεὶς ἀγὸς αὐγοντων. Hæc de externorum apud nos negotiatione ; Quæ cum fructuosa esse nequeat, nisi vicissim permittentur merces, idque sit proprie commercium facere ; ut penitus præcipuo isto societatis humanæ vinculo, ac commodo spoliaret Poloniæ, & infaciabilem plane redderet, non solum raro nos adiri, id est,*

nihil

Invenal.

Sat. 3.

Delevatis  
scutis

Lib. 1. de Off.

Cretensis  
cum Egi-  
neta.

nihil inferri mercium dixit, sed etiam vix aliquid à nobis emi. Addit enim,

+ Ceram & pelles mercantur, ac si quid præterea sub tam rigido cælo in precium nascitur.

Si de Scolymorrhodia, aut Lusinia, (ita Scotiam forte Euphormio nominat) ista dicerentur, verissima prorsus essent. Ibi enim profecto, ut initio satyræ ipse dixit, *nulla bruma segetes extinguit, nulli aestus adurunt;* Et si causam requiras, non alia potest assignari, nisi quia nulla proveniunt.

*Nullaque in infausto nascitur herba solo.*  
*Quid enim tam nudum inveniri potest, quam illud saxum ? quid, ad copias respicienti, jejunius ? quid ad ipsum loci situm horridius ? quid ad cæli natum intemperantius.* Tali patria oriundus cum sit Barclaius, insultat Poloniæ, illi inquam, Poloniæ, quæ maxima rerum omnium ad usum vitæ copia & ubertate affuit: & quæ vere est, ut cum Poëta compendio dicam, *Terra bonis contenta suis.* Id autem ut ostendam,

Senec. E-  
pigram. se-  
cundo de  
Corsica.

Idem Com-  
solat. ad  
Helviam  
cap. 6.

dam, velut per indicem, breviter tamē recensebo præcipua, quæ apud nos, non sub cælo tantum, ut nugatur, sed etiam solo nascuntur, in pretium. In primis autem, ut à Plutonis regno ordinar; pretii omnis fons, ac origo secunda, argentum, quod Ilcussienses fodinæ, Kielcenses, Checinenses affatim suppeditant. Sed primæ potissimum. Situm est Ilcussium in Minori Polonia, & quatuor milliaribus Cracovia distum, fere autem integro milliari Polonico circa oppidum, fodinas habens, quas à trecentis jam fere annis excolit, secunda & rara metalli, per tot secula sub orientis opulentia: Cum sæpe anno uno ad sex millia pondo argenti, quas marcas vocamus, extraxerit; plumbi vero ultra quinquaginta millia centeniorum; quod ex rationibus ejusdem oppidi compertum habeo. Magnam vero probabilitatem facit, in illo trætu consimilis terræ positio, natura, color, latius venas istas protendi ac patere. Immo & experimenta idem comprobant, tentata à quibusdam & explorata. Sed quia impen-

171

impedio grandi res egeret (ut nempe subterraneus canalis, quem stolam vocant, aquam scaturientem, effuso, qua devexa est terra, alveo educat) ideo res hactenus dilata est, non sine spe tamen, conatus & eventus quandoque fecuturi. Ex iisdem regionibus cadmia fossilis eruitur, ingenti prorsus copia. Metallum vero istud, commixtum æri, efficit Orichalcum. Æs vero ipsum Bozecinum prope non contemnenda ubertate effoditur. Ferri denique maxima copia, pluribus ex officinis prodit. Quæ omnia Dantiscum in exterarum gentium usus devehuntur. Sunt & montes carbonum fossilem, sed illorum usus nullus, cum abunde sit aliorum. Iam vero, antequam has telluris opes, è visceribus ejus petitas, claudam ingenti prorsus salis proventu, præfabor jure merito, cum non ineleganti Poëta quodam nostro, dicamque,

*Pande tuos natura sinus, & divitis antri  
Profer inexplicitum terris vectigal, & ingens  
Depositum clara Lechia sub luce repone,  
Phœbe pater, si quando tua de fontibus undæ*

G Restin-

*Restinxisse sitim licuit: salis ima petentem  
Da calices hausisse novos, da largius urnam.  
Plenaque Castaliis immergere labra fluentis.*

Rara omnino istius ( quod aliorum opsoniorum opsonium est ac condimentum ) apud nos Divum munere affluentia. Divum inquam : nam opinio est vulgo recepta , *Sal Diuus Cunegundi  
Sanctæ Cunegundis precibus impetratum  
nobis à Deo istud sal terræ, & illa indicante,* detectam ejus venam. Porro *sal aut fit  
aut gignitur*, inquit Plinius. Vtrumque vero habet magna ubertate Polonia. Nam factitium & coctilem Russia affatim suppeditat , Samborum & Kolomiam prope, fossilem vero minor Polonia habet. Sed factitius , qui aut igni excocta aqua , aut mari adfuso in salinas , Solisque radiis humore siccato fit, frequens multis populis, & promiscuus est. Metallicus vero, & ut vulgo dicitur , mineralis , paucis locis invenitur. Meminit Plinius in citeriore Hispania E-gelaftæ , & in India Oromæni montis , ubi lapicidinarum ( inquit ) more cadit renascens , majusque regum vectigal ex eo est , quam ex auro atque

Lib. 21.  
Cap. 7.

Ibidem.

atque margaritis. Profecto Vieliciam aut Bochniam putas illum descripsisse. Vtique enim loco magnæ molis cylindri solidi salis, velut rupium fragmenta, exciduntur , tanta copia, ut non usibus tantum Poloniæ sufficient, sed & Silesiam Moraviamque sustentent. Et magnum sane provenit etiam nunc fisco Regio adferunt , sed immensum plane adferrent , nisi maxima pars in usum Nobilitatis absumeretur. Velut enim annonariis legibus , olim populo Romano , frumentum è publico datum , modico aliquo pretio, aut nullo ; Ita apud nos equestris ordo gratuitum fere sal accipit , habetque hunc velut usum fructum patriæ communis , necessitatibus privatorum deservientis. Hæc autem vel sola copia ac ubertas salis , insulsum plane ostendit Barclium , qui negat aliquid nobis in pretium nasci. Sali adjungo sal nitratum , quod Podolia abunde suppeditat ; tum vero aliis è provinciis sulfur. Addo denique alia , quæ jam terra non abscondit, sed benigne profert , atque alit multiplici fertili-

G 2 tate.

*Vielichia &  
Bochnia salis  
excindentes*

tate. In primis autem omne genus frugum, ea quam paucis attigi affluentia. tum vero linum, cannabem, lanam, ceram, mel, omnia ingenti numero accumulo. Boum innumerā armenta, cum Iaroslaviæ sēpe triginata eorum millia, unis nundinis, vendita fuisse sciam. Equorum item sex septem millia. Porro multæ sunt panegyres, in quibus minori quidem numero, sed tamen grandi satis, & aliis populis inaudito, venales sunt. Ita ut quotannis sexaginta millia boum ē Polonia ad exterōs mitti, tutissime possim affirmare, præter id, quod nos absūmimus. Quid dicam de sylvestri proventu? Is vero ex rebus variis maximus est. Præcipue ē cineribus distillatis, quod vulgo Potasz vocant, cuius ad pannificium, aut forsan tinturam panni, necessarius est usus, itaque magna copia in Angliam aliasque in oras divenditur. Tum vero pix, secamenta pro doliis, asperges omnis generis; Ita ut quod Ammianus Marcellinus de Cypro dixit, tanta nempe tamque multiplici omnium rerum copia abundare, ut navim onerariam,

rariam, à fundamento carina ad supremos usque carbasos, adificare, omnibusque ornamentiſ instruētam, mari committere possit, id ego multo potiori jure de Polonia dicam, quæ non unam navem, sed classes integras, nil opis externæ indiga, facile instruere potest. Quod adeo non agnoscit Barclaius, ut etiam dicat,

+ Plerumque lapides extruendis domibus deesse.

Omnino: Ita ut Scotti vicos oberrantes non habeant, quo se adversus canum assultus tueantur. Provide facturi, si ē patria peterent hunc thesaurum, quo potissimum divites sunt. At homo nugator inaudivit forsan, non tam crebra nobis ædicia lapide aut cocto latere strui, & hinc sagaciter certe conjecturam fecit lapides deesse. Profecto si viveret, rogarem ut inquirere diligentius istud vellet, adiretque ipse Poloniā indagatum, curarem certe ut cum Plautino servo duceretur ad *latomias lapidarias* quæ pluribus in locis ad elegantiam <sup>Captiveis.</sup>

architecturæ suppeditant, non lapides tantum communes & promiscuos, sed marmor etiam multiplex, & alabastritem. Certe Sigismundus III Rex, Checinum prope, columnas marmoreas binas excidi jussit, altitudine pedum fere duodequadraginta. Sed dum extrahuntur, & machinæ ponderi non sufficiunt, una per medium fracta alteram vero nuper magno molimine Vladislaus Rex statuit Varsaviæ, & memoriæ patris sui dedicavit. Quod vel unicum argumento esse potest, non solum ad usum, sed ne ad luxum quidem deesse nobis quidquam, & posse cultissimas quasque gentes omni elegantia æmulari & æquare. Habeimus ergo; sed quod jam addit, non utimur,

+ Lignis tantum ( inquit ) ad parietes utuntur, stramentoque operiunt, præterquam in celeribus oppidis, arcibusque optimatum, quantum illa regio ferre potest, exultis.

Præfracte nimis negare non possum, superari

*Statua ad turam  
Varsaviensem*

perari nos ab aliis gentibus, & splendore, & multo magis frequentia structurarum. Effusa nempe in alium luxum natio nostra, & pertæsa longæ ædificandi mōræ ac molestiæ, minus architectonicam hactenus curavit. Sed ut alia omnis luxuria, ita hæc quoque migrare ad nos videtur. Cum paucis ab hinc annis, multa vere regio splendore structa sint, quorum delineationes, brevi puto, vulgabuntur. Certe peritus quidam artis ac celebris Architectus, Italus natione, cum vidisset quasdam nuperas Poloniæ structuras, dixit eam, si pergeret ædificare, ut cœpit, intra unum seculum non æquaturam tantum, sed superaturam etiam hac in parte Italiam ipsam. Nobilium vero domus lateritiæ cultæ fatis, & ligneæ non tam viles, ut eas describit Barclaius. Non deest illis nitor & elegantia, neque stramento teguntur, sed scandulis, quibus totam Romam coniectam fuisse ad Pyrrhi usque bellum, auctor est ex Cornelio Nepote Plinius.

Sed hactenus de regionis natura. Nunc pro-

promissam picturam animorum imperitus  
Apelles orditur; in qua pari omnino, aut  
fide, aut diligentia, versatus est. Putes il-  
lum, tamdiu, tantoque studio, fabulas scri-  
ptitantem, commentis assuefisse, ita nar-  
re ex fide nihil potest. Prima autem linea-  
menta, indolis & ingenii nostri, hæc ponit.

+ Polonis (inquit) ut plurimum dura vi-  
ta, cælo aspero.

Cælum idem nobis cum cultissimis po-  
pulis esse, jam dixi. Cujus tamen non ea  
in animos hominum vis est, quæ in herbas,  
fructus, olera. Quocunque loco mundi  
vixeris, æque semper distas ab æthere, si te  
illo oriundum meministi, si eo redditurum  
cogitas, agnosces facile nil referre,  
quocunque sub aëre nasci.

Duram vero vitam cur nobis imputet, nul-  
lam causam video, præter imperitiam. Se-  
quitur nempe suum genium homo semper  
præcipitis judicii. Et quia ultimum apud  
nos Septentrionem, terram sterilem, sylvis  
obsi-

obsitam, paludibus fædam, seu ipse incu-  
rioſe credidit, seu maligne ab aliis voluit  
credi. ideo aptat tali patriæ, indolem in-  
colarum, conformemque suæ terræ facit.  
Quid respondeam? certe non aliud, quam,  
provoco ad eorum testimonium, quibus  
aliquo usu innotuimus. Et fidenter dico,  
non solum ad calumniam reprimendam,  
sed ad gloriam etiam consequendam, *nihil nobis Plinius  
accmodatius fore, quam penitus inspici.* Pa-  
teret facile, vitam nos vivere, omni deco-  
rō, omni honestate cultam, & non Sybari-  
tica quidem mollitie, omni tamen affluen-  
tia commodam. Adeoque ab aliis nationi-  
bus non superamur, ut sæpe in iis multa  
requiramus. Quod tamen non agnoscit,  
quinimmo,

+ Nec populi (ait) moribus factis ad no-  
stri seculi venustatem.

Quanto verius dixisset, vanitatem! Nam  
certe, quidquid apud vos venustum & de-  
corum est, repetitis peregrinationibus ex-  
cerpsimus, & velut apes collegimus. Vti-  
nam

nam vero non etiam mellis loco & venena, morbosque varios animorum. Nam quotusquisque cum Vlysse prætervehi gnarus (ut ait Epigrammatum scriptor.)

*Syrenas hilarem navigantium panam?*

*Martialis.* Certe ut culturæ & elegantiæ nonnihil, ita & vitiorum à vobis sumpfisse verum est. Non tamen degenerasse omnino in vestros, id est Gallicos mores. Gallia etenim, pulcherrima ( fatendum est ) regionum, nunc sola fere præbere videtur cultum morem, omnibus ( præter Hispanos ) comatis braccatisque Europæ gentibus. Et quidquid illa invenit, aut innovat, id pulchrum decorumque æstimatur. Excitata nempe gentis indoles, prompto ad omnia ingenio, & laudem meruit elegantiæ & imitationem. Sed ipsa hoc applausu superba, rigide nimis ab omnibus exigit, suos mores, damnatque contrarios. Cum tamen mea sententia,

*Stultus & improbus hic amor (sui) est dignusq; notari.*

Non enim ita ibi vivitur, ut id regulæ instar omnibus esse debeat. Multa in promiscuo

*Horatius  
Serm. 1.  
sat. 3.*

misco usu sunt, quæ prisci & melioris ævi censuram non effugerent. Multa vana, ludicra, dissoluta. Innatum hoc nempe ingenii humanis, ut nimia cultura ineptiant. Et causa in aperto. Nam permittunt sibi omnia. Ideo securi de iudicio aliorum, qui suo multum sibi placent. Ita olim Græculi, dum omnes barbaros vocant, & sua nimis amant æstimantque, scimus quantum in omni vita deliraverint. Ita Romani, eorum exemplo, moribusque corrupti, quantum à prisca illa virtute, gravitate, & constantia, abiverint; vel Senecæ verbis patet; *Qui Torpent (in Primo  
Controv.  
quit) ingenia desidiosa juventutis. nec in ullius rei honesta labore vigilatur. Cantandi saltandique ob-  
scena studia effeminatos tenent: & capillum frangere, & mollitie corporis certare cum feminis, & immundissimis se excolere mundiciis, nostrorum adolescentum specimen est.* Putes illum plane rationem vitae eorum, qui nunc in Europa tam culti tamque elegantes audiunt, notasse. Quod ut ostendam, opere pretium erit asserere, gravis viri, Philippi Cominæi, de

H 2 Galli-

Gallicis moribus indicium. Qui, dum ingenium Ludovici undecimi describit, *Mea versione Steidani.* quidem hæc est sententia, (inquit) ut arbitrer, plurimum illi profuisse, quod deserto patre, vixit annis sex, apud Philippum Burgundie Ducem: Nam si fuisset educatus, ita ut hodie mos est, in Gallia, puto illum ex tot difficultatibus, non fuisse emersurum. Sic enim hodie plerumque instituuntur, quasi ad ludum facti essent, aut jocum; litterarum nullam cognitionem habent, in vestitu nihil modestum aut grave, in sermone nihil prudens; negotiorum, tam ad vitam privatam, quam publicam, ignari. Si quis est, qui, tanquam e veterno expergefactus, rebus gerendis animum adjiciat, hoc sero admodum fit, & amissis propemodum occasionibus. Hæc Gallus de Gallia. Quæ tantum abest, in melius mutata esse, ut putem, corruptos mores, jam à temporibus Cominæi, increvisse, & incuriam hanc, negligentiamque vitæ, plurimum auctam. Ridiculum est, & verum, quod narrabo. Dum Parisiis essem, quæsivi ab hospite de Academiæ loco (Sorbonam ibi vocant) atque petii, me ut in illam duderet. Respondit ille, plures esse in

in urbe; & num omnes, num aliquam è præcipuis, adire esset animus, percontatus est. Ego ratus rudem hominem, & idiotam, Collegia singula, sub nomine Academiæ sumere, rogavi, ut præcipua saltem eodie inviserem, reliqua postmodum adituras; Sequor itaque præeuntem. Intramus vero amplam domum. Multi juvenes inerant, quorum pars gladiatoriam exercebat, pars saltabat ad numeros, alii pulsabant testudinem, alii ligneo equo insiliebant, alii denique varie torquebant, jaciebantque hastas. Cum petii, quænam domus hæc esset, respondit, hanc Academiam esse, & hic nobilitatem Gallicam institui. Istisne tantum artibus, inquam: non, inquit; & toto matutino tempore equitare etiam solent. Aversus ab illo, risi effusissime. Et, ô Musæ, inquam, itane gladiatoriis ludus, aut palæstricon, occupat sacratum vobis Academiæ nomen? En profecto novos Academicos, novos Arcefilas, Carneadas, Pirrones, qui non jam nihil sciri posse docerent, sed nihil disci oportere, exemplo suo,

suo, & tota vita comprobarent. Etsi enim corpus exercere, & ad arma, ac militaria opera assuefacere, juventuti præsertim pulchrum & laudabile: Tamen *cum nostra omnis vis, in animo, & corpore, sita sit; animique imperio, & corporis servitio, magis utamur*: plus certe curæ tribuendum erit illi, qui *dux atque imperator vita mortalium est.* ne incultu & bonarum artium inficitia obfolescat. Id vero, Gallica Nobilitas non agnoscit, cuius educatio omnis, & cultura, ad corpus refertur. Ita autem educati, quomodo doctrinæ quidpiam, & prudentiæ, multo vero minus sapientiæ habeant? Nihil legunt, præter amantium fabulas, id est (ut Lipsius alibi dixit) *nugatorum ingeniosos fatus, libros pestilentes, natos blande inficere, aut interficere juventutem.* In quo numero ex veteribus Heliодorus est, nuper vero Amadæus, Vrfeus, & qui nobis convitum facit, & qui

*peccare docentes*

*Fallax historias monet,*

Ioannes Barclaius. Hos secuta infinita prope farrago, narrantium, procaces virginum mores,

*Sallustius  
bello Catil.*

*In Notis  
Polit. ad  
cap. 10.  
lib. 1.*

*Vanorum  
Corruptionem*

*Horat. lib.  
3. Ode 7.*

mores, clam parentibus habita cum procis colloquia, furtivas literas, conventiones nocturnas, amplexus, oscula, ac denique fugas etiam, & absque ulla violentia raptu: omnia vero ista, si Diis placet, salva pudicitia atque honestate. Hæc uterque sexus legit, miratur, & imitatur.

*Attendit Thymele, Thymele tunc rustica discit*

*— & singitur artibus*

*Jam nunc, & incautos amores,*

*De tenero meditatur ungui.*

*Inveniat.  
sat. 6.*

*Horat. lib.  
3. Ode 6.*

Indecorum vero esset juveni, non habere virginem, quam proceret, quo beatus sit vulnera, qua pereat sagitta: Non spe aut animo connubii, sed ut amore langueat, aut potius se languere simulet, crebro suspiret, continuo adhæreat, confabuletur, officiose salutet, deducat, & omnino otiose insaniat. Hoc agunt omnes, inter speculum, & pectinem, & calamistrum occupati. Si quid diei supereft, datur audiendæ histrioniæ, vel pilæ ludo. Ita tempus vitæ absumunt, homines, digni profecto, quos Æacus, post mortem, jubeat cum Claudio, *alea ludere,*

*Mores Galli*

*Seneca  
Ludo in  
Claudium.*

*pertu-*

*pertuso fritillo.* Et nisi quandoque bello occuparentur, certe luxuria, lascivia, otio periret,

*In cute curanda nimis operata juventus.*

*Mutatio vestitus  
capillitum barba*  
*Seneca  
Epist. 15.* Iam vero quæ Cominæus memorat de vestitu, hic continuo & in dies mutatur. Nec ille solum, sed capillitum, barba, & hoc forte male habet, quod non tota faciei forma.. Quamvis absque hoc satis immutantur, & quem hodie senem vidisti, cras rasa, barba, tum capillitio adscito, juvenem videbis. ita ut saepe riderem, quæ Médea istos, tam cito recoxisset. Ultra non lubet has amænitates & venustates persequi: quibus carere Poloniam adeo non inficiar, ut gratuler etiam patriæ. Non habemus profecto istas delicias, non habemus *Mancipia in magisterium recepta*, quos nova artifacia docuit famæ, qui gressus nostros temperent, qui saltare, canere, ludere, & ejusmodi nugas docti, alios doceant: De gravibus & seriis Romanis dicit Cornelius Nepos, *Scimus musicen nostris moribus abesse à persona virorum principum, saltare etiam in vitio ponit.* Hoc quadrat nostræ

nostræ nobilitati, quæ curis Reipubl. intenta, his artibus non indiget; Illis qui à publicis negotiis arcentur, convenit talibus occupari. *Expedit tibi ô Cæsar* (*dicebat Apud Dionem lib. 54.*) *populum circa nos distin-*  
*néri.* Nam *virtus*, *culta* ac *civilia ingenia* *subditorum*, tum mentes, ad seria negotia natæ, ut ille ait, *ingrate imperantibus*; *quibus boni, quam mali suspectiores sunt;* semperque his (*ut vere inquit Sallustius*) *aliena virtus formidolosa est*; & causam puto recte assignat Panegyristes, quia nempe *patientiores servitutis arbitrantur, quos non decet esse nisi servos.*

Sed ne videar externos mores reprehendere, proprios vero consulto præterire, paucis rationem vitæ nostræ aperiam. Istud autem in primis: *Nobilitatem Polonam non esse urbicolam*, & mercatoribus ac opificibus relinquere hanc mansionem. Villas & paterna rura quisque incolit, magno ut infra dicam probitatis integratissime præsidio. Porro, quamvis ruri habitantibus, non per inertiam vita perit, actioque omnis nostra, partim in Reipub. procuratione,

I par-

*Vita rō nob.  
relicta*

partim in domesticis negotiis occupatur. Prima, honesta, imo splendida est. altera vero, seria, innocens, ac jucunda. Publica quod attinet: In primis comitia obimus, non solum cum suffragii jure, sed etiam cum intercedendi potestate. Magnus vero iste magnarum mentium, gloriæ compariandæ, caritatis erga Patriam testandæ, ac boni publici promovendi campus est. Hic enim leges conservamus; hic omnia censemus, vetamus, intercedimus; hic egregia moderatione, inter venerationem Principis, libertatisque patrocinium, bono patriæ consulimus. Huc potissimum institutio omnis nostra aptatur & dirigitur. eo fine juventus nobilissima literas discit, ut eas aliquando, magna ingenii, judicii, & eloquentiæ fama, in usum Reipubl. promat. Promit autem rara, nec vulgari aliis gentibus, laude. Dum qua equestris, qua senatorii ordinis viri disertissimi, gravissimas sententias, dignas posteritatis memoria, dignas notitia exterorum, promunt ac proferunt; & priscæ illius constantiæ, quam olim Roma in

ma in suis civibus (sed brevi tempore, neque sub principatu) venerata, magna edunt specimina. Quam dispar autem aliarum nationum πολιτευμα? ubi in civili administratione, nihil come, nihil simplex, nihil honestum, nihil illustre, nil forte, nil liberum. Vbi nobilitas δπολιτικωτατη, nihil consultur, timet multa, assentitur omnia. Vbi nulla comitiorum potestas, nulla ordinum autoritas, sed umbra & vacua species consultationis, & muta ac sedentaria tantum, assentiendi necessitas, dum unus solusque censet quod omnes sequantur, & omnes improbent, dum imago vera miseri illius senatus, quem tum vidit Roma, cum amisisset non modo succum ac sanguinem, sed etiam colorem, ac speciem pristinæ civitatis. Et quem ita descripsit poëta.

*Non consule sacra  
fulserunt sedes, non proxima lege potestas  
Prator adest, vacuaque loco cessere curules.  
Omnia Cesar erat.*

Vbi nec sentire quæ velis, nec quæ sentias dicere licuit. & cum voce memoria quoque ipsa periisset, si tam in potestate eorum fuisset obliuisci;

*Tacitus  
Hist. I.*

*Idem in vi-  
ta Agric.*

*I 2      quam*

*tractatio  
Reipubl.*

*Cice. ad  
At. lib. I.  
Epist. 12.*

*expers  
maxime  
negotio-  
rum civi-  
lium.*

*Idem Epist.  
ad oīlav.*

*Plinius  
Paneg.*

*Cice. ad  
At. lib. 4.  
Epist. 15.*

*Lucanus  
lib. I.*

*quam tacere.* Sed ne insultare videar alienæ miseriae, redeo ad narrationem quam incepit.

Judicis Tribunorum  
lxxij

Et hic quidem primus, uti dixi, campus est Reipubl. capessendæ. Alter vero non minus celebris, judicia nempe, ut vocantur, Tribunalitia, absque ulla provocatione. Vbi etiam supremæ civilis potestatis participes efficimur, accepto arbitrio in bona & honorem concivium, imo in vitam etiam ipsam. Cum etenim Principes curis imperii distinerentur, & jus dicere ac reddere in tam amplio regno non possent, precibus & necessitatibus civium concessere, ut delegatos judices sibi crearent, certasque actiones eorum permetterent arbitratui. Legunt itaque, certa & stata die, binos aut singulos, ex quovis districtu: qui, ubi convenere, annuam potestatem retinent, sed amplam, ut dixi, & Regium quidpiam præferentem. Eximia etenim eorum majestas ac veneratio, multis legibus asserta, constanti usu & consensu nobilitatis retenta ac defensa. quæ velut unicum tutamen ac

præsi-

præsidium libertatis habet judicia ista. Et quidni habeat? Certe seu ad justitiam exercendam, seu ad vitandam oppressionem unius, seu ad æqualitatem retinendam facit: judicia deferre iis, qui abuti potestate tanta non possint. Brevis enim & annua est; & lege cavetur, ne prorogari aut continuari electione queat. Tertia occasio Reipubl. tractandæ est, quam exigit cuiusque munus & officium. Sunt enim Magistri finium regundorum, qui Principes equestris ordinis audiunt. Sunt provinciales Iudices: sunt denique publicæ securitatis custodes, capitanei, ut vocantur; inter istos partita est forensis omnis opera. Deinde extraordinariæ quædam publicæ functiones interveniunt, auctoritate Comitiorum injunctæ; sed injunctæ volentibus: nam cogere, & invito munus quodcumque imponere, nemini fas est. Hæc sunt fere publica pacis negotia quibus occupamur. Bello autem aliquo imminentे, promptam multi subeunt militiam. Neque tantum nomina sponte dant, sed pro opibus, equitum

I 3

pedi-

## P O L O N I A

<sup>70</sup> peditumque pluribus centuriis & cohortibus, proprio ære scriptis, necessitati publicæ subveniunt. Res est mira, & nescio an ullis gentibus olim & nunc sueta. Certe ut expeditiones veteres non memorem, nuper cum Koniecpolius contra Tattaros moveret, præter ordinarium Reipubl. militem, qui ad subita casuum continuo alitur, octodecem millia lecti militis, ultro à privatis submissi, in castris habuit, qui eorum sumptu militarunt: *Vt vel hinc apparereat, ibi communem salutem omnibus esse curæ, ubi Regnum, non possessio, non hæreditas, non peculium unius, sed societas legibus devincta, sed patria communis est.* Quam, aliter, ubi despotæ illi & domini regnant: ubi nisi emptus, nisi coactus milies militat, ubi nulla subsidia, nisi extorta ab invitis, & perdere se reputantibus quicquid conferunt in publicum.

Iam vero, ut ad alteram partem veniam vitæ nostræ, tum illorum qui à publicis curis per intervalla vacationem aliquam habent, tum qui procul negotiis ut prisca gens morta-

mortalium, sibi viyunt; utrorumque, inquam, non est animus, secordia atque desidia bonum otium conterere. Seria uti dixi, innocens, & amoena est occupatio. Aut enim œconomicis laboribus tempus transfigitur, dum quisque suum patrimonium diligenti industria excolit, utilius semper reddit, & pro copia exornat; dum non erubescit, alia ruris negotia, quæ infima etiam obiisse magnos viros scimus, gaudente sapientia terra (ut Plinius inquit) vomere laureato & triumphali agricultura. Aut venationi indulgetur, quæ liberalis plane & jucunda in usu continuo nobis est. Aut lectioni etiam aliquantum datur, aut amicorum officiis, & mutuae hospitalitati, aut denique solutæ curis edacibus vitæ. Dicunt nempe, & sentiunt tales cum Kochanovio nostro.

*Patria rura colo: nunc fallax aula valebis;*  
*Nil promissa equidem magna tua illa moror.*

*Libertas, gemmarum instar mihi, & instar arena est,*

*Lydius aurifera quam vehit amnis aqua.*

*Hic ego nec nutum alterius, nec limina servo,*

*Infringens duris molle latus foribus.*

Nec

*Sallust.  
Catil.*

*Lib. 18.*

*Lib. 3.  
Eleg. 15.*

*Nec votis exopto famem incanatus herilem,  
Nec cuiquam in turba pugno aperire viam.  
Nullius ad leges vitam compono, licetque  
Tempora mi arbitrio ponere cuncta meo.  
Et alia quæ ibi celebris poëta eleganter in  
laudem vitae rusticæ subjungit. Porro, ut  
verissime dixit Tragicus,*

*Seneca  
Hypolito.*

*Non alia est magis libera, & vitio carens,  
Ritusque melius vita quæ priscos colat;  
Quam quæ relictis mœnibus campos amat.*

Verissime inquam, & vel experimento Poloniæ id dicere possis : cuius ego constans probitatis pietatisque studium, mores ut plurimum, priscæ illius integritatis & modestiæ, totam denique vitae rationem seriis occupationibus deditam, non alteri causæ adscripserim, quam, quod non miscemur vitiis, quæ continua illa & otiosa cohabitatione, vicissim tradit & accipit. Hinc profecto est, quod caremus depravatione illa & corruptela morum, qua plerumque scantent animi gentium externarum. Hinc quod pacem & quietem publicam patimur, nec conspirationes, factiones, turbas, bella

bella denique civilia excitamus: dum enim quisque domi suæ Rex est; dum habet, quo otium honeste ac jucunde transfigat; dum mentem rerum præsentium cura occupat; non ille vasta animo concipit, aut meditatur,

*non ille Regno servit, Ibidem.*

*Aut Regno imminent, spei metusque tutus.*

Hæc est, contra Barclaii calumniam, morum & consuetudinem Poloniæ defensio.

Quibus non venustas, ut ille dixit, sed vanitas deest: Seria enim amamus, & illis adhæremus. Vobis, quibus (ut Senecæ verbis dicam) omne ludicum in pretio, quibus etiam post juventam canosque puerilitas remanet, & qui senes pila luditis: Vobis, inquam, hæc omnia venusta relinquimus, & frui talibus patimur, sine æmulatione aut invidia nostra.

Et hinc ( inquit ) sæviora ingenia.

Plane, sumus truces, feri, immanes, & denique Scotis similes, quorum sævissimas mentes, & supra fas humanitatis, odiu ac inimicitarum tenaces. eodem libro describit Bar-

K claius.

claius. *Cædem cæde* (inquit) repensare decorum, incendia alternis ignibus vindicare, nec aperto tantum marte, sed insidiis & fraudibus agere: & denique nihil turpe aut ignobile, modo ulciscantur inimici, reputare. Ecce Thracum mores, aut potius Scytharum (nam sunt ex Geographis, qui Scotos ab illis dicant oriundos.) Ecce Scotti, confessione popularis sui homicidæ, incendiarii, & qui fraudibus grassantur. De nobis puto illum nihil ejusmodi scivisse, & ista scribere tantum, ut tinniat verbis, vere æs Dodonæum. Sævitia igitur omnis abest. *At ingenii Benigna vena est*: Ingenii, inquam, ad omnia facilis, erecti, & excitati. Musas certe paßim ab exterarum gentium nobilitate spretas, & ad plebeium ordinem, ut plurimum, redactas, nos soli velut proprias putamus splendori natalium; & claritudinem generis, nulla alia ratione magis illustrari censemus, quam doctrina. Vnde prima institutio nobilissimorum Adolescentum, literarius ludus & Schola est. Hac ad juventæ maturitatem detinentur, illamque egressi, peregrinationes obtinent

eunt eadem cupiditate doctrinæ. Agnoscit hoc saepè Lipsius, & Schonæo scribens fatetur, *hac parte beatam patriam nostram esse*. Centur. 4.  
Miscel. Epist. 7. apud nos (inquit) in omnia alia studia Nobiles versi. Eademque Epistola, humanitate, elegantia, omni cultu animi nos provocare, dicit, latissimas quasque gentes. Sed quid ego dico provocare? immo, ut ipse fatetur, superare. Nam Epistola alia, ad Marcum Velserum Germanum, (ne putas illum genti abblan- diri, quod certe ingenio tanti viri alienum)

*Mirum mirum* (inquit) Sarmatiam sic excultam Centur. 5.  
Miscel. Epist. 51. hodie, vel supra Hesperiam utramque (gnarus dico) esse. Nostrí homines aliter, & veteres Cimbri (*Becani hæc assertio*) ad Cimmerias ignorantia tenebras eunt. Huic testimonio tanti viri addo Erasmi Roterodami judicium, dicentis, nos, & literis, & legibus, & moribus, & religione, & si quid est quod à Barbarie probro vindictet, cum præcipuis & lautissimis nationibus certare posse.

+ Diversoria peregrinos excipiunt, lon-  
ge à nostrarum terrarum ratione.

K 2 De-

Deducuntur in sedem quæ inanis est , & plerumque perfoſſis ad accipiendum lumen parietibus , ventis quoque & hyemi patet. Nulli quibus decumbant lecti , non erecta ad epulas mensa , longo ac multiplici clavo paries fixus est , illic hospites farcinas , quas habent , in ordinem appendunt: multo deinde stramento sternitur solum , & hoc in illis diversoriis pro toro eſt. Itaque per illam regionem processuri , ad iter ſe comparant , quaſi domum circumducant , cibos & cætera in alimentum ferunt , lectulos in rhebris collocant ; ut nudis illis tectis excepti ſua ſupellectile , & famem & frigora arceant.

Hæc quamvis multum verbis auxit , &  
more

186

more ſuo ( eſt enim , uti dixi , ſemper *λαλίσα-* loquacilli-  
*τῷ* ) exaggeavit , non omnia tamen falſa dixit. Non ſunt nobis hospitia quæ menſam apponant peregrinantibus , & quæ lectoris præbeant. Sed qui perſpectam habuerit rationem morum & conſuetudinum Poloniae , adeo iſtud non mirabitur , aut dampnabit , ut approbet etiam , & ad fateatur aliter fieri non posſe. Nam tenuioris fortunæ homines , lautis hospitiis non indigent . exterī vero , præter mercatores , raro nos ad eunt. Nobilitas autem tam frequentem & numerosam familiam , tam ſplendidum famulitium alit , ut fidem res apud externos , & rerum noſtrarum ignaros , non inveniat. Certe privati homines Regum aulas ſæpe æmulantur , & ſtipati incedunt caterva ingenti , quam nullus tam laetus caupo eſt , qui commode excipere poſſit. Commeatus in antecessum parandi ſunt , qui tot viris , tot equis ſufficient. Id autem & minore impendio fit , quam ſi in ſingula capita iniquis illis exactoribus ſolvendum eſſet , & comodius multo , cum cibi exquisiti appo-

K 3 nantur,

nantur, & ad arbitrium cujusque parati; unde etiam in exteris nationibus, qui laute & splendide vivunt, suo coquo & supelle-  
ctili utuntur, immo & lectos etiam ferunt. Et nos saepius experti sumus, quam grave sit viles fomesasque dapes, & crambe re-  
coctum pransitare, quod apponunt per-  
diti caupones. Qui ut apud Comicum Co-  
quus loquitur,

— *Condita prata in patinis proferunt.*

*Boves qui convivas faciunt, herbasque oggerunt;*  
*Eas herbas herbis aliis porro condunt.*

*Teritur sinapi scelerata cum illis.*

Plant.  
Pseud.  
Aet. 3.  
sc. 2.

Epiſt. 87.  
& 108.

Quam item fædum ac spurcum lecti for-  
des pati, saepius puris & scabiei, & luis ve-  
nereæ signa maculasque præferentis? Cer-  
te, cum Seneca, *siccum panem, & sine mensa*  
*prandium, post quod non sint lavanda manus, &*  
*lectum qui resistat corpori, nullumque ejus præbeat*  
*vestigium, mallem; quam his spurcitiis uti.*  
Nam præterquam in celeribus oppidis,  
quis neget ut plurimum misera hospitia  
esse? Quod autem de perfossis parietibus  
addit, falsum est: uti & alia quæ verbis at-  
tollit.

tollit. Nec tanta est molestia, quasi domus circumferenda esset, ut ille imaginabatur. Vfus ac consuetudo jam istud facile red- didit. Et apte, ac concinne, miraque celeri- tate omnia explicantur, atque convafan- tur.

+ Gens ad ferociam & licentiam nata,  
quam vocant libertatem.

Ferociam ad Scotos jam ablegavi, agni-  
tam ab ipso Barclao. De libertatis apud  
nos modo & statu, dicam infra. Nunc ve-  
ro legem, qua nos barbaros facit, à calum-  
nia vindicabo.

+ Adeo ( inquit, ad ferociam sunt nati ) ut  
infandæ barbarie legem, multis se-  
culis ibi solemnem, vix nunc de-  
mum omiserint. Ea scilicet cave-  
rant, ut, qui hominem peremisset,  
solveretur metu judiciorum, si in  
jacentis cadaver projecisset pau-  
culos

culos nummos , quorum numerus eadem lege destinabatur.

In hac iniqua criminatione nostri, quid prius accusem nescio. Certe ei & fides ; & peritia, & judicium deest; & temeraria tantum malignitas supereft . Falsum enim , quod metu judiciorum solutos homicidas, & tantum projici dicit pecuniam in cader ver occisi. Nam etsi multa pecuniaria est, decisione tamen judicum constituitur , & (quod ex imperitia auctor omisit ) additur semper, in pænam, gravis & opacus carcer, in imo & fundo turris, anno integro & sesqui-mense tolerandus , de quo pacisci, & transfigere , nunquam fas est : Et convicti transactionis factæ, iterum illum subire tenentur. Neque hæc legum benignitas cui-vis patrocinatur homicidio. In recenti, ut loquuntur, facto, & crimine, capti, tum invasores, prædones , capitale subeunt supplicium. Qui vero glande è sclopeto occiderit, dupli mulcta pecuniaria, & benniali carcere punitur. Quid hic vero immagine ?

ne ? quid infandum ? quid barbarum ? At qui audi, ô imperite, & disce, non æquitati naturali , non juri divino contrariam hanc legem ; multis vero gentibus usitatam ; & denique , rectæ rationi valde congruam consonamque esse. Singula hæc ut ostendam , & comprobem : Fateor quidem deberi poenam omni sceleri, natura id dictante & exigente : sed non certæ ultionis, aut vindictæ; verum societatis, ad quam homo natus est, conservandæ causa. Nam appetitus ille reponendi doloris , quem solum vindicta respicit, non est naturæ rationali, quam solam hic spectamus , proprius , sed ei, quam cum brutis habemus communem. Vnde finis verus poenæ, ex sententia Theologorum, aut est (dicam hoc verbis Senecæ illis consentientis) *ut eum quem punit emendet* ; aut *ut pæna ejus ceteros meliores reddat* ; aut, *ut sublatis malis , securiores ceteri vivant*. *Emedatio* nempe ejus qui peccavit. *Exemplum* ne peccent alii. *Securitas* denique ne mali noceant bonis. Ad hos vero fines consequendos, non semper poena requiritur capitalis.

L Quin-

*S. Thom. 2.*

*2. Q. 107.*

*Ar. 1.*

*De Clem.*

*Lib. 1.*

*cap. 22.*

Quin-imo & ad emendationem illa est optimæ, quæ postquam castigavit, pœnitentiæ & correctioni locum relinquit: Et ad exemplum magis conducit, si longa, si diuturna est: & securitati denique sufficere potest, etiam citra mortem irrogata, si gravis sit & severa, si non conniveat, non ignoscat, & ita demum infligatur, ut potestatem adimat nocendi. Quæ omnia in lege nostra palam est contineri. Ergo hinc apparet illam juri naturæ minime adversari. Sed divino forsan adversatur, quod aperte mortem irrogari jubet homicidæ. Exod. Cap. 20. v. 12, & 15. Levit. Cap. 24. v. 17.

*S. Thom. r.  
2. Q. 104.  
Art. 3.* Verum in promptu est opponere, quod omnium Theologorum consensus, & Ecclesiæ approbavit auctoritas. Leges nempe Hebræis datas, alias morales fuisse, quæ præcepto Decalogi potissimum continentur, & quibus omnes tenentur Christiani. Alias ceremoniales, quibus non modo non tenentur, sed etiam prohibentur uti. Alias denique politicas, & judiciales, easque nec imperatas, neque prohibitas nobis. Inter istas

istas postremas ponitur hæc de homicidiis, à qua ut non discedendum temere concedam; ita hoc audacter affirmo, per illam non esse vetitum supremæ civili poestati, mitiora fanciendi, pro ingenio & natura populorum. Si enim licita ei est, extra peccatum, clementia & remissio pœnæ, quod nemo diffitetur, cur non moderationis & temperamentum? Non enim profecto ea necessitas est supplicii, quæ restitutionis. Nam restitutione, quia compensat injuriam, non potest parte invita à judice condonari. Pœna vero, dum nihil accusatori confert, præter feram vindictæ dulcedinem, ideo & veniae capax est, & multo magis moderationis, quam lex Euangelii minime certe prohibet. Immo cum repositionem injuriæ, & ultionem adeo arcte restringat, certe multo magis talionem improbare videtur. Quam & in foro Iudaico tum demum exercitam, cum lædens pacisci nollet, Rabini testantur, & dentem prodentes oculum pro oculo repeti, fas esse dicunt; sed ea cum exceptione, si aliter satisfactio

non sequatur, quam & arbitrio Iudicis pūtant decernendam. In legibus vero Decemviralibus, recenset Lipsius, caput quadragesimum tertium verbis istis. *SI MEMBRVM RVPSIT. NI CVM EO PACIT. TALIO ESTO.*  
*Sed pœna hæc duodecem tabularum* (inquit Iustianus) *in desuetudinem abiit; quam autem Praetores introduxerunt, in judiciis frequentatur.* Nempe Honoraria, (ut vocabatur) & secundum dignitatem læsi, vitæque ejus honestatem, pecuniaria mulcta æstimata. Quod si talio ista ad terrorem tantum data est Hebræis, nec unquam in usu forensi habita; si Romanis etiam nimis rigida visa est; quanto magis decet Christianos, illa quantum fieri potest, abstinere? qui legem gratiæ habemus, omnis patientiæ ac mansuetudinis Magistram. Vnde quidam Capitalia supplicia vetita omnino nobis esse docent, falso quidem, sed tamen non barbarie infanda, ut nos accusat Barclaius; quin potius affectata lenitate, & pro ingenio hæresis studio contranitendi. Tertium posui, multis gentibus legem ejusmodi fuisse usitatam.

tam. Quod certe ostendere perquam facile est. Nam *vetustissimi mortalium* (inquit Tacitus). *nulla adhuc mala libidine, sine probro, sceleri, eoque sine pœna & coercionibus agebant.* Postea vero corruptis moribus, pœnis & severitate legum opus quidem fuit, sed illas *verisimile est* (inquit Diodoti concione Thucydides) *mitiores etiam contra maxima scelera, initio fuisse; donec, cum propter lenitatem contemnerentur, tandem ad mortem pleraque processerunt.* Vnde & Plinius, dum inventores rerum longo ordine recenset, *Primum judicium Capitalis in Areopago actum esse*, dixit. Et ante Draconis severas sanguinariasque leges, puto Græcos, ut plurimum capitali supplicio abstinuisse. Certe Romani valde abstinuerent, ut leges illæ sacratæ, tum vero Porcia Semproniacæque testantur: quibus prohibatum cuicunque Magistratui, civem verbare, multo minus securi ferire, *tantumque exilium permisum in damnatos.* Quod Cicero in Oratione pro domo sua, *jus proprium dicit liberae civitatis.* Reges quoque Ægyptios (auctor est Diodorus Siculus) damnasse

mortis reos, ad metalla aut aliud opus, fahutari instituto. Et nunc in Italia, alibiique, ad triremes passim condemnantur. Sed quod ad rem meam maxime facit, inter decreta Sancti Stephani Hungariæ Regis, caput 16 de homicidiis recensetur, quod totum adscribam. *Si quis accensus ira, (inquit) ac superbia elatus, spontaneum commiserit homicidium; sciat, se, secundum senatus nostri decretum, centum & decem daturum auri pensas, ex quibus quinquaginta parentibus dentur, decem autem arbitris & mediatoribus condonentur: ipse quidem homicida secundum institutionem Canonum jejunet.* Quæ lex et si multo lenior est nostra, non intra mulctam tantum consistit: tamen excusari potest eo, quod profecto

*Tαξινεώς εστιν αἴμα καὶ ψυχὴ Βρετοῖς  
Pecunia, anima & sanguis est mortalibus:*

Et, si hæc sufficiat ad cohibenda facinora, haud opus asperioribus remedii erit. Ecce vero, tot gentium consensus absolvit nos hoc barbaræ legis probro, *quod hybrida Barclaius nobis imposuit: ostenditque, ut cum Lactantio dicam, olim nefas vixum,* quam-

quamvis malos, tamen homines, suppicio capitum afficere. Quod certe & rectæ rationi congruum consonumque est. Nam seu severitas necessaria est, magis illa exercetur, ac ostenditur, viventium cruciatu: *Mors enim Sallust.  
arumnarum requies, cuncta mortalium mala dis- Catil.* solvit. Et, ut Seneca ait, *impunitatis genus est, jam non habere pœna locum:* Denique necem urgenti, responderi, cum altero Seneca, id est Tragico, potest.

*De fine pœna loqueris, ego pœnam volo.* Thesle  
Seu bonum communis spectas; *Nemo Lib. ultim.  
dubit at (inquit Quintilianus) quin si nocentes mo Instit.* mutari in bonam mentem aliquo modo possint; sic ut posse interdum conceditur, salvos eos esse magis à Republica fit, quam puniri. Seu ad fines alios pœnæ respicis, jam dictum est, ad illos non requiri extrema supplicia. Et denique, si naturam humanam expendis, tot affectibus obnoxiam, & eorum impulsu, ac impetu, labi & abripi facilem: necessario suadebis mitiora, & adhibendam moderationem dices, *qua sanabilia ingenia distinguere à deploratis sciatis.* Seneca de Clem.  
Sed cum Barclaius infcitiam ostendisset suam,

suam , improbando legem non certe barbaram , sed humanam potius ac benignam , tum subjungit maligne causam ejus , ac dicit .

+ Nec tam vile (inquit) fecissent humanae vitæ pretium , nisi , sui ingenii impetu , pro levi facinore haberent , humanum crux rem prodigere .

Solon interrogatus , cur in parricidam nullum assignasset supplicium , respondit , se noluisse poenam sceleri ponere , quod nunquam sperasset patrandum . *Pro Rofcio.* Sapienterque illum fecisse , Cicero ait , cum de eo nihil sanxerit , quod antea commissum non erat , ne non tam prohibere , quam admonere videretur . Et cum Spartanus quidam interrogaretur , quare Spartæ in adulteros nulla lex esset , nulla poena . Nullus , inquit , apud nos adulter est . Vides igitur certissimum argumentum innocentiae esse , legum paucitatem , & addo lenitatem : Bonosque mores poenis non egere , & corruptissima Republ. non plurimas solum , sed atro-

19  
atrocissimas etiam leges : Cum nempe flagrans flagitiis animus , non levioribus remediiis restinguendus est , quam libidinibus ardescit . Sed frustra ; nam vitio ingenii humani certum est , ea saepius committi , quæ maxime vindicantur . Itaque in Italia , quamvis adeo non homicidia tantum , sed arma etiam , id est , instrumenta necis vetentur , nullibi tamen frequentiores homicidæ , nullibi saeviora latrocinia , nullibi crebræ magis , & ex insidiis structæ cædes . Gallia etiam , scimus , quam in cassum prohibet suetas sibi monachias : Et cum Parisiis essem , in tutum nemini noctu pedem domo efferre , ita omnes plateæ infestæ prædonibus , non modo spoliantibus , sed trucidantibus etiam erant . Imputat igitur nobis , propria aliis nationibus crimina Barclaius , quorum liberabo Poloniam , vel hac unica , fida certe , & recentis memoriæ , narratione . Annis abhinc quindecem Varsaviam prope solennis electio Regis nostri , nunc feliciter imperantis , peragebatur . Ingens omnino mole & gravitate negotiorum , majestate con-

M fessus ,

sessus, numero civium, splendore vario, ac pompa gentis, legatorum denique nos undique adeuntium veneratione. Quæ omnia, si apud exteroseo apparatu gesta fuissent, nescio quæ non habuissent elogia: ut est mos illorum, qui de magnis majora loquuntur. Peragebatur, inquam, ista Electio, ad quam præcipui è Nobilitate, stipati more gentis frequentissimo comitatu, tota Polonia convenerant; ita ut numerus ducenta millia hominum facile superaret. In tam numero autem populi confluxu, nulli quamvis custodes essent, nulli vigiles; urbs ipsa Varsavia nusquam clausa, & quocunque tempore noctis iis pervia, qui circum circa castrorum more stativa habuere: adeo tamen secura & tranquilla erant omnia, ut vix quisquam vi peremptus, quin ne spoliatus quidem diceretur; idque toto sesqui mense, quo comitia illa durarunt: pacisque istius, ac quietis publicæ, unicum præsidium fuit, judicia huic fini instituta. Quæ res profecto, recte æstimanti, non minus approbat insontem Poloniam, scelerisque

que puram; quam arbor illa pòmifera, metatione castrorum complexa, & intactis fructibus relicta, commendare solet Romanî militis disciplinam. Audiamus vero ultra nos celebrantem Barclaium,

+ Ipsum nomen (inquit) non tantum servitutis, sed & justi ac legitimi regni oderunt.

Verum est, nos odisse servitutem; Et quidni? pestem illam naturæ humanæ, ejusque corruptæ præcipuam labem, supremam fortunæ adversæ calamitatem, pœnam suppliciumque extremum mortalis vitæ, & miseriarum denique omnium malorumque fecundam genitricem? odimus pejus angue, & abominamur hoc generis humani opprobrium; amamus vero, & ut par est, æstimamus, illam, illam non dicam auream, sed quæ omne pretium longe superat; quæ animi præcipua dos, & beatæ vitæ compendium est, libertatem. Felices nos hac forte! beatam Patriam hoc Dei

M 2 mu-

munere , & tanto beatiorem , quo rarum magis aliis populis decus istud , ignotumque bonum.

*Nam qua revisas limina dulcius*

*Mavortiarum maxima gentium*

*Regina LIBERTAS Polono*

*Orbe magis Litavisque campis ?*

*O Providentis filia consili !*

*O faustitatis mater & otii*

*Beata nutrix , ô Polone*

*Primus honor columenque gentis ,*

*Quæsta multo sanguine gloria ,*

*Reperta multo ! ——————*

Vt pulcherrime cecinit incomparabilis va-  
tes Sarbievius nostras. Vivimus nempe se-  
curi : violentiæ omnis metusque expertes.  
Non miles spoliat, non publicanus atterit,  
non opprimit , non cogit ad onera Prin-  
ceps. Delectus , tributa , lex majestatis  
*unicum* , ut ille ait , *crimen eorum , qui crimine*  
*vacant*. Tum delatores, genus hominum ,  
publico exitio repertum , severa supplicia ,  
carcer, proscriptio, exilium, & denique in-  
dicta causa mors. omnia ista ignota sunt  
nobis,

nobis , pariter & invisa. Accedimus ad Rempubl. cum lubet. Non adacti munera subimus, non ponimus sine causa jussi. Tu-  
tum est , privatum agere. vacat periculo ,  
gerere Magistratum , non opes, nobilitas, omisi-  
gestique honores pro crimine , non sinistra erga emi-  
nentes interpretatio , nullum ex magna fama peri-  
culum, nullum ob virtutes exitium. Ita beati agi-  
mus vitam , cui nihil addi potest ad cumu-  
lum fortunæ , nisi perpetuitas. Tali vero  
forte prædicti , non tamen justum ac legitimi-  
num ( quod impudenter Barclaius dicit )  
odimus Regnum. Nunquam fere eo caruit  
Polonia : quæ ( dicam Cromeri nostri ver-  
bis ) *Vnius principatum semper , preter duo exigua*  
*tempora amplexa est , bonis plerumque & modera-*  
*tis , & à tyrannide alienis usq; Principibus.* Hanc  
antiquissimam nempe , naturæ & rationi  
maxime congruam, usus commodique ma-  
ximi , formam regiminis pridem adoptavi-  
mus , & constanter hucusque retinemus.  
Habemus inquam Regem , non tamen hæ-  
reditas illius, non patrimonium, sed impe-  
rium sumus. *Sedem ille Principis occupat , ne sit*  
Plinii Paneg.

M 3 Domi-

*Domino locus.* Ex legibus habet imperium, non in leges; civibusque se datum arbitratur, non sibi cives. Pulcherrima vero ista & præstantissima Reipubl. forma est, & quæ sola maxime potest esse diurna. Efectum enim Aristotelis de conservatione Lib. 5. Po-  
lit. cap. II. Monarchiarum est, τῷ τὰς μὴ βασιλεῖας ἀγενῇ τῷ μετριώτερῳ. Ut regna nempe ad mensuram certam, & temperamentum reducantur. Vnde Theopompus, cum Spartæ Ephoros instituit, quantum detraxisse potestati Regiæ, tantum ejus diurnitati adjecisse, dicitur ab eodem Aristotele. Et nonne merito? certe summa illa potestas, quæ Dei imaginem in terris præfert, firma & stabilis esse nequit, si munus suum officiumque non adimpleat. Id vero tum demum optime præstabit, si ad Deum prototypon suum quam proxime accesserit. Porro, Deus ideo cuncta juste regit ac gubernat, quia bonitatis sanctitatisque suæ præscripto, quasi lege aliqua adstrictus tenetur. Lex enim, ut ita dicam, ei immutabilis voluntas est, recti & æqui exactissima regula, quam transgre-

di nul-

di nullo modo potest. Humana vero natura, cum corrupta & ad malum præceps sit, non jam à propria voluntate legem hanc petere debet, sed alterius, cuius nempe interest illam non aberrare, judicio scriptam fancitamque, & suo assensu receptam, servare tenetur. Ideoque leges potestatis velut custodes natæ, quarum standum est præscripto. Quemadmodum autem Divinæ Majestati ac potestati nihil detrahit adiuvia τῆς ἀναγέλλειν: Immo quia delinquere non potentiae est, sed infirmitatis, addit etiam, multumque naturam commendat; Ita & Regum non minuitur potestas legibus, quæ peccare tantum vetant, sed potius firmitur stabiliturque. Vnde qui illas defungunt, aperte vim Regni peccandi licentia metuntur. Ideoque in odio fint necesse est, & præsidium à vi, & terrore tyrannidi parare coguntur. Ego vero (cum Sallustio) cuncta ejusmodi imperia, magis acerba, quam diurna arbitror, neque quenquam à multis metuendum esse, quin ad eum ex multis formido recidat. Sed ut pateat non nomine tantum & appellatione nobis

peccandi  
nulla fa-  
cultas.

Velleius  
Paterc.

*Lib. 4.  
Polit. c. 4.*

nobis Reges esse, & aliis Europæ Regibus potestate æquari, paucis illam edisseram. Scitum autem est illud, triplicia jura ( nam Aristotelis partitio maxime perplacet) potestatis civilis & imperii esse. Primo consultationem de rebus quibuscumque & negotiis ; deinde judicia sine provocatione ; postremo , jus legendorum magistratum. Ad hæc tria, tota regiminis ratio, & Reipublicæ administratio , commode potest revocari. Nam jus primum consultationis , seu ad pacis tempus pertinet ; condendo leges , promulgando edicta , cedula moneta, publica opera procurando : seu belli suscipiendi , gerendi , finiendique negotium sustinet ; & tum utitur potestate delectus faciendi, sciscendi tributi, foederum ineundorum. Ius alterum judicandi , aut publica peragit, majestatis , perduellionis, peculatus crima; aut privatas decidit, juris & facti, causas. Tertium denique, potestatem creandorum Magistratum, largiendorum honorum , benefiorumque continet. Reges itaque Poloniae , prima duo jura ,

jura, conjunctim cum Senatu & Equestri ordine, habent. Tertium soli, sine participe aut socio, obtinent. Comitiorum nempe auctoritate , consultatio omnis peragitur ; ita tamen , ut quicquid sancitum sit , nomine Regis promulgetur, & absque ejus assensu concludi nihil possit. & ipse supremus fit belli dux, atque Imperator. Iudiciorum partem sibi ipse retinuit , partem Tribunal concessit , non absimili Gallico Parlamento. At honores & beneficia cuncta , sacri profanique ordinis , largitur ipse ex arbitrio. Ingens vero hoc, & Principum præcipuum munus , tanto vero in Poloniae regno amplius , ac splendidius , quo beneficiandi occasio , materiesque major est. Plurima sunt etenim, qua honoris & dignitatis, qua commodi maximi, beneficia ; ita ut præfecturæ , quas Starostias vocamus, multæ, provinciarum ad instar, sint, totusque earum proventus, possessoribus obtingat, sed ad vitæ tempus tantum concessus, ut , demortuo præfecto , redeat sub arbitrium Regis , continuamque largiendi , ac

N bene-

benefaciendi, occasionem præbeat. Hinc autem apparet, Reges nostros æqualem plerisque Regibus Europæis potestatem obtinere, alios vero etiam superare. Nam Germaniæ Rex, qui vulgo Imperator audit, tum Hungariæ, Bohemiæ, Daniae, Sueciæ, Angliæ, bellum indicere, tributum fancire, leges ferre ac promulgare, absque comitiis nequeunt: nisi forte violato jure, & temeratis patriæ institutis. Et hac parte pares sunt Regibus nostris: tam ampla autem, nec circumscripta benefaciendi potestate, etiam multo inferiores. Duo tamen sunt regna, quæ nunc παμβαστέαν præferunt (nam minutos illos tyranniones, quales Italia habet, δημοσθέου sciens omitto) Gallicum inquam, Hispanicumque. Cæterum, dum utriusque primam constitutionem expendo, invenio, in primis regnum Galliæ temperatum fuisse, auctoritate eorum, quos Pares vulgo vocant. Horum enim *tanta fuit olim auctoritas* (inquit Vincen-  
tius Lupanus) *ut de rebus omnibus ad Rempubl. pertinentibus, ad eos referret Rex; penesque eos esset*  
*rerum*

Regnum  
summae  
potesta-  
tis.  
populivo-  
ros.

Lib. I.

rerum summa, & equalis prope cum Rege dignitas. Idem secundo libro. Nostrates, inquit, de magnis, gravibus, & ad Rempublicam pertinentibus rebus, consultaturi, celeberrimum trium ordinum conventum, olim habebant: Nobilitatis, Sacerdotii, Plebis. Fuitque tempus, quo omnia ad illum referrentur; nempe, si de pace incunda, bello inferendo, regni procuratione alicui mandanda, & vectigali exigendo, ageretur, quod, Philippo Valesio regnante, communi trium ordinum consensu sancitum est. Claudius quoque Sefellius dicit, triplici freno, summam Regum Galliæ potestatem, coerceri; Religionis nempe, Iurisdictionis, & Politiae: idque deducit, & explicat. Hispaniæ vero Imperium ex multis nuper coaluit regnis, & provinciis, quæ suas leges, ad cohibendam dominationem, habuere; & nisi illis spoliata essent, certe Principatus potius, quam adeo foliæ legibus Monarchiæ, formam effecissent. Vis nempe, & oppressio, & quidquid stritius tueri ensis, in causa est tam exlegis dominationis. Alioqui Asiatica tantum, regna ista fuere, olim & nunc, indefinitæ,

N 2

&

& nullis legibus circumscriptæ, potestatis. Europæis vero populis, *ἀνομῷ δεσποτίᾳ*, invisa semper, & ægre tolerata. *Servirent itaque Syria Asiaque, & suetus Regibus Oriens:* (dicebat olim, apud Tacitum, magnanimus ille, & vere Civilis.) at nos servitium pati non possumus, possumus vero Principatum, & Reges, qui *non dominationem, & servos, sed rectorem, & cives cogitarent.* Et nonne merito hanc imperii formam elegimus? Certe, si eadem apud alios obtineret, ista temere bellandi libido, ista concessa populi latrocinia, istud, ut Seneca dicit, *occisorum gentium grande scelus*, cessaret facile; neque sub onere, & jugo, tot calamitatum, gernerent miserrimi populi, si absque assensu eorum bella non susciperentur, & immensæ cupiditati ambitionique Principum, aliquem obicem, leges ponere possent. Vti quidem, apud nos ponunt, salutari prorsus instituto. Non tamen ideo, ut tu Barclai, more tuo, seu ignarus erras, seu prudens fallis,

exlex do-  
minatio.*Tacitus**Hist. 4.**Tac. 12.  
Annal.*

2. c. VI

Rex

+ Rex ad patrias leges, vi & armis adigitur.

Quinimmo gratulor Patriæ meæ, tales Principes hactenus ei contigisse, qui non se supra leges esse, sed leges supra se rati, nihilque detrahi hinc majestati suæ merito reputantes, vi & armis ad observationem illarum nusquam fuerunt adigendi. Gratulorque iterum toto isto tempore, quo Polonia Regni nomine censetur, nisi *semel* temeritate paucorum mota in Principem arma, sed tumultuario impetu potius, quam justo bello, quod intra exiguum tempus, sine clade mutua, sine offensis, placide conquievit, nullo relicto mali fomite ac scintilla. Non sumus ergo Monarchomachi, quos pater Barclaii prolixo, nimiumque de fortuna Regum sollicito, scripto oppugnavit. Immo quam simus φιλοβασιλεῖος ostendit cuiusdam regis nostri dictum, gloriantis, velut propria & non vulgari aliis laude, se infidiarum metu omni solutum posse in gremio subditorum tutum securumque

N 3

Regui  
amant

Regu

amant

som.

somnum capere. Et profecto benevolentiae erga Principes publicae, non alibi inventias majora certioraque argumenta. Quid majus, quam cum nobis, non, *ut ceteris gentibus, qua regnantur, certa dominorum domus sit*, nec intra illam quærere Reges, nec tanquam necessario hærede contentos esse oporteat: Cum, inquam, *imperaturum omnibus, eligere possimus ex omnibus*; tanta tamen veneratio & amor erga sanguinem regium hactenus semper fuit, ut illum suffragiis & electione præterire pæne nefas putaremus. Immo etiam intra claustrum Monastici septa inquisivimus stirpem regiam; & cum deesset proles mascula, non alia lege Valegio, & post Battorio sceptrum detulimus, quam ut in consortium ejus ultimam Jagellonidem assumeret. Et denique illa potissimum ratio maiores nostros impulit ad cooptationem domus Suedicæ, nunc feliciter nobis imperantis, quod nempe materno sanguine Jagellonica esset. Ut vero omittam, quæ plurima adferre possem, Principibus exhibita testimonia gratae & amantis

Tac. I.  
Hist.

Plinius  
Paneg.

*Calixtus Monachus  
in Regnum electus*

tis Patriæ: certe rarum est & illustre istud, quod nuper post excessum Sigismundi IIII præcipua Nobilitas toto interregni tempore, lugubri & pulla veste usâ fit. Ita ut dum isto habitu, tot millium confessum, in Comitiis Electionis, vidissent gentium exterarum legati, stupuerint ad tantum vel venerationis, vel amoris erga Reges indicium in populo præsertim libero, & nullius hæreditati subiecto. Et ne finem faciam proni hujus erga Principes affectus ac inclinationis nostræ, facit tuum, Rex serenissime, (nam te hoc loco merito alloquar) tuum, inquam, imperium; quo huic & futuro seculo, ut tranquilli, benigni, moderatique regiminis præbetur exemplum, ita à nobis prompti obsequii & publicæ in te benevolentiae rarum statuitur documentum. Non perdis, inquam, ô benigne Princeps, operam, dum ita cum civibus tuis, tanquam parens cum liberis vivis. Refertur tibi gratia, & quo te antequam imperares amore omnes sunt prosequuti, eodem in imperio prosequuntur; Quem tamen

*hunc  
dolor*

tamen per singula signa, & argumenta, non opus est recensere : Cum & tibi constet omnium memoria, & nos jactare velut magna non deceat, cum longe majora merear-  
 ris. Satis est, quod isto tuo, nostroque exemplo, potissimum comprobetur, à nul-  
 lis *magis Principem amari, quam qui maxime dominum gravantur.* Et cum vere Thales di-  
 xerit, inter rarissima quæ videntur, esse Tu-  
*εγνον γέγοντα :* Ita nihil frequentius, quam amorem civium, erga bonos benignosque  
 Principes: neque mirum, eos etiam ultra privatas  
 necessitudines amari, quia in illis, nostram vi-  
 tam, nostram incolumitatem amamus. Vnde cum illi nos tributis & exactionibus, &  
 mille injuriis non opprimant; nos illis non  
 infidiamur, non seditiones molimur, non  
 rebelliones concitamus: quorum exempla,  
 si unquam, certe his temporibus, omnibus  
 fere Regnis, adeo crebra ac funesta sunt,  
 ut pudor sit, & unicum dedecus seculi no-  
 stri, nominisque Christiani maximum op-  
 probrium. Certe & Gallia vixdum requie-  
 vit, à continuis factionibus tumultuantium

aut

*Plinius Paneg.**Plutar. in**Septem Sap.**Conviv.**Tyran-*  
*num fe-*  
*nem.**Seneca de*  
*Clem.*

aut belligerantium Principum. Hispaniæ imperium ardet ubique civilibus armis; & vel maxime tua, ô Barclai, Britan-  
nia Symplegadum more colliditur, cum tot furias facesque belli intestini nuper accedit: tamque longo, tam cruento dissidio evertit imperium, & Regem omni jure ac potestate spoliavit. Maxime autem populares tui Scotti, qui Principem, se ultro illis permittentem, scelere turpissimo ac perfidia, post longam llicitationem, vendere Anglis, postquam multis injuriis & contumeliis prius captivum affecerunt. Quamvis istud profecto non sine magna vindicis justitiae admirazione. Ut qui delatum populi arbitrio Ecclesiae dominium, tam avide arripuerunt, illi ab eodem exuti omni potestate, in posterum precario reges sint, aut ne sint quidem, frustra Casabono Schisma Anglicanum defendente, dum in argumentum divinæ voluntatis, factum velut approbantis, dicit (in Epistola multifariam falsa ad Frontonem Ducæum Soc. Iesv:) *Nam ex dñe (inquit) mutatione*

Non sine  
Deo.

O

nem

*Secutorum & Anglo  
rum pernicietarum*  
*nem hanc Anglicanam esse factam, longa pax secu-  
ta, quies publica, inaudita felicitas, primo Regine  
Elisabethæ, deinde Regis Iacobi, videntur probare.  
Malacia nempe & Halcedonia brevis ista  
fuit, his temporibus datura, quas videmus,  
tempestates. Cum caput Ecclesiæ male  
constitutum; alii adigunt ad assensum im-  
piorum dogmatum, quæ suo arbitrio con-  
didere: alii nullum regimen, & infinitam  
volunt, credendi quod velis, licentiam.  
Vtraque vero ratione, quam male tran-  
quillitati ejus regni consultum erit, tem-  
pus ostendet. Sed ad cœptam Apologiam  
redeo..*

+ Nobilitas ( subdit ) tristibus præroga-  
tivis se ipsa donavit, quibus possit  
sibi invicem, & impune nocere.

*Cum multitudo coalescere in unius populi corpus,  
nulla re quam legibus possit: Cum ne latrones  
quidem sine justitia sociari posse, merito  
dixerit Cicero. Barclaii tamen tanta amen-  
tia & stupor est, ut populum gentemque  
fine*

sine jure dicat vivere. Nam, dum impuni-  
tatem scelerum, & nocendi licentiam no-  
bis imponit, quid aliud nos, nisi *aduersus* fa-  
cit? Tanta vero vel infictia, vel malignitas  
seipsum satis prodit, & refelli non indiget.  
Cum præsertim, quæ argumento huic vi-  
cina de nobis dixi, satis superque falsi con-  
demnet repetitam hanc calumniam. Ad-  
dit vero:

+ Quippe Principi non satis juris est, ut,  
quod peccaverint, ipse vindicet.

Ex sententia Lycurgi dixit alibi Cicero.  
*Premio & pæna Rempublicam contineri. Om-* Epiſt. ad  
Brutum.  
ninovere. Nisi quod virtutis studium, com-  
modi specie excitare satius putem, quam  
metu extorquere. Nam & facilis æstima-  
tio est, quanto potiora sint, sponte suscep-  
pta, quam terrore expressa officia; Et ma-  
nifestum, quod præmia bene agere stimu-  
lent; poenæ vero jubeant tantum, non pec-  
care. Non satis autem, non delinquere, si  
& bene mereri non studeas. Ideoque insti-

O 2 tuto

Plinii  
Paneg.

Idem.

Seneca de  
Clem.Seneca de  
Clem.

tuto patriæ , Principibus nostris , permisum magis *beneficiis* , quam *remediis* , experiri *ingenia nostra* ; quia sufficere ad innocentiam , virtutemque putavimus , si *prosit bonos esse* , cum etiam sit satis abundeque , si non noceat . Accidunt itaque potius voluntates nostras , quam adigunt . Beneficentia , illicium incitamentumque præbent virtutis ; præmia ipsi largiuntur , pœnas vero ad leges & magistratus transmittunt : Et denique ea potissimum parte ostendunt potentiam suam , qua proxime ad Deum accedunt , cui professe , non voluntatis tantum est , sed naturæ . Hoc est utile , hoc civile imperium . Nam & *Regibus certior est ex mansuetudine securitas* : Et subditi tutiores sunt , constricto non nihil cohitoque imperantium ferro . *Principum enim saevitia, bellum est* , inquit Seneca . Et scimus quantas illa saepe strages ci-vium ediderit , quid lex illa Majestatis , tam severe , tam acerbe exercita , intulerit Reipubl . Romanæ : quam levi , quam indigna , quam iniqua causa , illustrium virorum supplicia memorentur . Scimus vero etiam , quam

quam crebra sint apud exterros : Vbi eminentiorum papaverum capita decutiuntur semper , ubi non unus Aratus , Silanus aut Sejanus vel neci deditur , vel carceri includitur . Nec inquirendum ,

Iuvinal.  
sat. 10.

— quo cecidit sub crimine ? quisnam Delator ? quibus indicis ? quo teste probavit ? Nil horum . Verboſa & grandis epistola venit . A Capreis . —

Terrent nos profecto hæc exempla , & ab illis merito cavemus . Solenni illa legis nostræ regula , *Neminem captivandi nisi jure vindictum* . Etsi vero temperamentum istud se-veritati nimiæ ponit obicem , nihil tamen officit justitiæ , neque detraxit quidquam auctoritati Principum ; quibus potissimum judicium de capite ci-vium committitur ; quod cum Senatu quidem peragunt , sed decernere tamen solent , magis expen-dendo quam numerando sententias . Quod certe ostendit , satis esse juris Principibus ad vindicanda scelera , contra quam Bar-claius sueta imperitia dixit .

Maxime sibi (inquit) credunt.

*Plant.  
Pſend.*

*Superbe  
& arro-  
ganter.*

*Cicerone ad  
Att. Epist.  
18. lib. 1.  
Vigila, &  
memento  
diffidere;  
artus sunt  
isti men-  
tium.*

Hic quid oppugnem nescio , nec quo sensu ista dicantur agnosco. *Mihi ego video, mihi ego sapio, mihi ego credo plurimum;* ait apud Comicum oculatus testis. Oculis enim suis quisque credit maxime. Et alioqui pauci sunt profecto , qui suo diffidant judicio. Certe non tu ex iis Barclai , cuius confidentia vel hoc scripto apparet, cum imperite, audacter tamen ἀλαζονικῶς ή θερσέως dixisti multa. Cæterum , si nobis potissimum credimus , id est , popularibus , conterraneis , & notis hominibus , hoc sensu certe extra culpam sumus. Nam externis quidem & ignotis plus credere, stultitia esset. Et vafer ille Siculus insurrit, Epicharmus Cantilenam illam suam νῦφε, ή μέμιναστο απίσειν, ἀργεα ταῦτα τῶν φενῶν. Ergo Scotis diffidimus, ut pote lucelli avidis captatoribus, meritoque putamus fidem etiam in quæstu iis esse. Sed non immoror, & propero, ut vindicem Patriam ab infamī calumnia, quam per impudentiam maximam inussit Barclaius.

Nec

+Nec minor (inquit) libido est libertatis in moribus , vitaque incivili , quam in religionum , & cælestium rerum sensu ; de quibus, ut placet, & sentire volunt, & loqui : scilicet immanni fiducia sui , quibus sapere alieno ductu pudet. Hinc in diversa hodie scissæ mentes , errorumque omnium labes, quicunque antiqua secula polluerunt.

Qui hactenus nulla laude dignatus est Poloniam , immo omni complevit vituperio, gentemque nostram fecit,

— *Monstrum nulla virtute redemptum* *Invenal.*

*A vitiis* —

Quid miri , si reliqua pari affectu subjunxit ? Hoc nempe deerat contumeliæ , ut quibus paulo ante justitiam eripuit , eos nunc religione spoliaret. Verum ut falsitatem ejus omnem hactenus revici , ita & hanc refellere in promptu est. Omnia namque

P<sup>o</sup>loni in fide  
u Religione certa  
vix nesciensq<sup>e</sup> sp<sup>ecie</sup>  
emittantur

que potius eripi patiar Poloniæ , præter-  
quam veram ac germanam pietatem. Immo  
firmiter & fideriter assevero , inter omnes  
Europæ populos , quos hærefoes afflavit  
contagio , nullam esse præ nostra gentem ,  
quæ Catholicæ religioni constantius ad-  
hæserit , nullam quæ cultus Divini , pietas-  
isque publicæ , antiquam & à majoribus  
acceptam rationem , majori studio & ardo-  
re , hucusque profiteatur. Denique nullam ,  
quæ majori prudentia , moderatione , inno-  
centia , in hac seculi præsentis hæresibus  
infecti calamitate versata sit ; & quæ , in re-  
ligione turbata , immotam pacem ; in dis-  
fensu animorum , consensum civium ; inter  
inquieta novis rebus ingenia , publicam  
tranquillitatem conservavit : Eo quidem  
successu , quem nunc , Regno maxima par-  
te avitæ fidei restituto , læti contuemur.  
Sed ut id ostendam , (nam profecto mere-  
tur res tanta uberius referri) in primis nul-  
lam apud nos hæresim natam dico. Peregre  
venit hoc malum , & incunabula ei pri-  
mum Germania dedit ; deinde illa vere nu-  
tricula

Anno d<sup>r</sup>i 142

tricula non solum, ut olim Poëta dixit, *Causi-  
dorum* , sed hæreticorum etiam *Gallia*. Ab  
exteris nempe , à quibus semper aliquid  
monstri hausimus, hoc venenum. Cui tem-  
poribus illis majores nostri præsentissi-  
mum remedium opposuere : occluso nem-  
pe omni aditu novis doctrinis , & poena  
constituta in eos, qui illas discerent, adfer-  
rent, seminarent. Nam in primis, Vladislao  
Iagellone , anno M C D X X I V , cum nem-  
pe in Bohemia nova dogmata pullularent ,  
acribus poenis hæresis prohibita , confisca-  
tione bonorum , imminutione capitis , &  
quod sequitur, in captos & pertinaces , ca-  
pitali supplicio : *Vt nempe (legis expressa  
verba) quos censura Ecclesia non terroreret , huma-  
na severitate multarentur.* Paulo post eadem  
edicta repetita , & sub Sigismundo primo ,  
anno M D X L I V , peregrinatio quidem ,  
quæ ante huic fini vetabatur, concessa ; sed  
poenis & judicio subjacerē jussus , si quis  
rediens (verba item legis) *qualescunque novas  
doctrinas aut libros subministraret, uti illis vellet.*  
Sigismundi Augusti temporibus , cum jam  
P vicina

vicina nobis Germania arsisset hoc incendio , non mirum est , proximum parietem correptum fuisse eadem flamma , quam extinguere non erat tum virium nostrarum. Serpsit malum per totum Reipubl. corpus, legumque auxilio cohiberi non potuit. Itaque post mortem Augusti, interregni tempore, in Conventu publico, cauta dissidentibus securitas. Et Rex Henricus Valesius, eumque secuti Reges omnes juravere , *Confederatio Imperii Henrici Valesii* *tranquillitatem inter dissidentes de Religione tueri , nec ullo modo quempiam pénis , in causa religionis , afficere.* Moderatione nempe ista utendum erat, ne remedia exasperarent malum , cui tollendo impares eramus. Sed tam men jura Ecclesiæ illæsa mansere ; honor que sacerdotii, à majoribus nostris ad pro curationem Reipubl. admissi, nihilo est imminutus. Neque quicquam decessit Religioni Catholicæ , quæ ab ipso initio Christiani apud nos nominis, tot legibus fundata , & velut jam materfamilias facta , à nova hac, & nuper adventitia hospite, nullo modo potuit premi , nedum veteri possessione

sessione exturbari. Tolerantia nempe hac consultum tantum est , ut inter cives pax & quies esset ; non turbæ , non seditiones, non mutuæ cædes , non internecina bella, quæ totam Europam hucusque exercent , & misere conficiunt. Cum autem cessarent publica ista odii irritamenta , facile rediit animus, concordiae cupidus, & dissidorum religionis pertæsus : puduitque , cum quibus Patria, sanguine, amicitia, moribus, lege, imperio, conjunctus sis, disjungi opinione , de Deo & Divinis , & se mutuo , velut impios aversari. Hinc temperato sectæ studio , semoto , qui præcipitare solet ingenia , affectu , expensum quæ causæ Schismatis? quis ille animus , quæ mens primam fidem erroris accusans ac condemnans ? unde potestas ista separati cætus, & novæ Ecclesiæ instituendæ ? quid in pertinaci hoc dissensu , non præceps, non malignum, non virulentum? Tum deinde quæsiere multi, quænam illa fuisset religio, qua primum majores nostri in Christianismo instituti ? Postquam vero hanc fuisse, quæ

nunc à novitiis istis impugnatur, historiæ, legum, actorum publicorum, totiusque antiquitatis testimonio, agnitus compertumque est; tum detecta novitas, & facile spreta; plurimique resipuere, & derelictam repetiere veritatem. Restituta igitur templo, cultusque in illis Divinus, Catholica pietas aucta, & hæresis maxima parte abdicata. Spes porro manet non vana, redituram & reliquis mentem, & *unam fidem, unum baptisma*, indivisamque Ecclesiam fore, modo persistat Polonia in fraterna ista quiete ac concordia. *Et certe* nuper Rex noster, ad tollendum religionis dissidium, celeberrimum conventum Torunii indixerat; id decere existimans felicitatem temporum, qua, illo imperante, Polonia fruitur; ut quemadmodum domitis hostibus, pax est patriæ restituta, ita quoque mentium animorumque effet, uno ore, una lege, ac præscripto, Deum venerantium. Quamvis vero votis optimi Principis, & expectationi multorum eventus non responderit; tamen cum ego, nobilitatis nostræ pacata

inge-

Colloquium  
Tom.  
viii.

ingenia, dum exoletam prope hæresim, dum studia quiete & mora multum temperata expendo, negotium hoc successum nequeo desperare; si ab illo, quantum potest, arcerentur illi, quibus vel fovere expedit, vel certe non est integrum, schisma relinquere. Tales autem sunt Ministri, & Civitatum delegati: dum illi commodi, existimationis, sacerdotiique retinendi, hi vero mutationis, & turbarum metu, tueri ac defendere malunt qualemque modo jam communem & receptam fidei rationem. Optandum igitur esset, iterum hoc negotium redire ac repeti; semotis quantum fieri potest istis, auctoritate Principis; sedulaque magis cura, cum primoribus Nobilitatis transfigendum. Neque profecto causam video, cur amoveri non debeant, aut Ministri, adeo studio litigandi infecti, penes quos nulla est potestas decernendi, quomodo intelligendæ sint scripturæ; aut Civitates, quas, & difficile est ad consensum revocare, & indignum, tanquam æqualis cum nobilibus juris, ad

P 3      unum

unum conventum vocari. Sed hæc Deo  
permittenda. Nunc vero, ut isto interval-  
lo ad Barclaium redeam, facile, ex his quæ  
dixi, apparet, quam inique nos impietatis  
accuset, & irreligionis ; quantoque verius  
ista, quæ nobis imponit, de aliis Europæ  
populis, & vel maxime de Britannia, id  
est, Anglia & Scotia dicerentur. Scotia, in-  
tenebrae.  
impuritas. quam, ubi vere mentium oxonia est, & spissa  
caligo, ubi ανθρωπία catarorum, & purissi-  
ma illa impuritas regnat : ubi vix ullum  
vestigium Christianæ pietatis, & profana-  
ta ac eversa religio omnis vetus: nova vero  
in diversa, ut dicit Barclaius, scissas mentes ad  
publicam discordiam agit præcipites, &

*Horat. lib.  
I. Ode 35.*

*Ad arma cessantes, ad arma*

*Concitat, imperiumque frangit.*

Sed pauca, quæ adhuc restant, pari affectu  
de nobis à Barclaio dicta, expendamus.

+ **Quisque** (inquit) in suæ familiæ lau-  
dem intentus est, præsertim si in  
externos incidit, & expertes sua-  
rum fortunarum.

Certe

Certe propriam familiam ornare omni  
laude, nec contentum esse relicta à majo-  
ribus gloria, id demum est generosum esse.  
Neque puto tam amens fuit Barclaius, ut  
hoc in vitio poneret. Potius ostentatio-  
nem in nobis accusat & damnat : *Quod si Cicero ad  
quid subinane, & non αφιλέθοξον*; si, inquam, ali-  
qua jactantia est, profecto non de nihilo  
est ; neque similis illi Scotorum, se passim  
regia stirpe ortos dicentium ; tam vere  
utique, quam Pallas, aut nescio quis ille  
Claudii libertus, regibus Arcadiæ oriun-  
dus erat. Et cum nemo eorum dignum  
quidpiam ea, quam fingit fortuna, præfe-  
rat; omniumque rerum inops, & saepe men-  
dicus fit ; *majore cachinno excipitur vulgi*, quam *Invenat.*  
ille inopinatus Stoicorum Rex irridetur à  
Plutarcho : qui cum magnifice dixisset  
\* *Ἐγὼ μόνος ἦμι βασιλεὺς*; mox, egestate fortis  
suæ admonitus, philosophaster misellus  
chlamydem poscit, & integumentum, di-  
citque <sup>t</sup> *γαππιγῷ οὐ βαυβαλίζω*. Sed, hac occa-  
sione, lubet pauca de familiarum laude at-  
texere. Et primo Nobilitatis nostræ de-  
cora

*In libello  
contra Stoic-  
cos magis  
inopinato  
quam Po-  
etas divites.*

\* *Ego so-  
lus Rex  
sum.*

<sup>t</sup> *Nam ex  
frigore  
contre-  
misco.*

cora & ornamenta, deinde opes, postremo splendorem referre. Quæ et si mira forsan exteris videbuntur, non opus tamen judico, anxia veritatis pollicitatione fidem stipulari: Cum in re inquire & nosci tam facili, & in hac luce temporis, nullus possit esse mendacio locus; cuius usu cum natura ac consuetudine mea prohibeor, tum Patriæ etiam causa: Non minus enim illa falsa prædicatione, quam aperto vituperio læderetur.

Natalium itaque honor apud nos eximius est, & plerisque gentibus antecellit, plures ob causas. Prima est, quia avita nobilitas, & ab ipsa gentis nostræ origine cæpta, sola successione continuatur. Nullum jus adoptionis habemus; Nobilitatis prærogativa ægre plebeiis hominibus confertur; & externæ, illustres quamvis familiæ, difficulter admodum ad jura gentis admittuntur: consensu nempe unanimi omnium ordinum, qui nisi magnis meritis obtinetur. Suetonius dicit, Augustum *magni existimasse, sincerum atque ab omni colluvione per-*

*regrini*

*regrini ac servilis sanguinis, incorruptum servare populum, ideoque civitatem Romanam parcissime dedisse.* Sequitur plane hac parte maximi Principis judicium Patria nostra; ideoque veterem conservat nobilitatem, supra aliorum populorum morem, ubi solo arbitrio Regum, homines vilissima sæpe origine, & terræ filii, ad nobilitatis decus extolluntur: ubi (ut Satyricus dixit) *una Quiritem Persius sat. 5. vertigo facit, & prout complacuit hero*

— *Momento turbinis exit*

*Marcus Dama.* —

Vbi denique exteri consulto accersuntur, ad supremas dignitates evehuntur, ut graves nempe sint patritiæ Nobilitati. Apud nos vero (dicam Plinii verbis). *Nobilitas non obscuratur, sed illustratur à Principe; & magnorum virorum Nepotes ac posteros, nec terret ipse, nec pavet, quin immo honoribus amplificat, atque auget; & in usum Reipublicæ promit.* Altera causa est, quod nothos & spurios nec ad familiæ nomen, nec ad hereditatis sortem admittamus. Aliter quam apud exteris, ubi fere extra probrum est, taliter nasci. Et rege

Q

præ-

*Plinii Paneg.*

*Herat. lib.  
Epd. 4.*

præfertim , quamvis extra matrimonii legem, fati, adeo non velant hoc dedecus, ut etiam jactent , præferuntque insignia parentum, levi signo addito, id est, linea transversim ducta : At *Fortuna non mutat genus*. Et quantumvis amplæ opes ac dignitas ; emaculare certe nequit hanc turpem notam. Vnde nos merito abhorremus, & abominamur flagitia ista tori : adeo quidem , ut si quis concubinam duxerit, prolemque post initum matrimonium susceperit , non spuria illa quidem , sed ignobilis tamen censetur ; & hereditatem adire nullo modo potest. Hac ratione consulitur honori intaminato familiarum , quæ vetustissimæ sunt nobis , & omni laude ac dignitate splendidæ. Tertia causa possit assignari , quod titulorum nominumque discrimina illa, quæ antiquis ignota , nunc apud exterros paßim obtinent , non habemus , & numerica lege usurpare prohibemur. Non Dukes , inquam, Marchiones, Comites, Barones , & ejusmodi cognominum quisquilias, fatiscente imperio Romano , id est , ipsa tempo-

temporum barbarie ortas: Quæ si ultro ab externis Principibus delata quidam acceptavere , aut non sprevere potius , non tamen ordinem in Republ. faciunt separatum , nec ultra equestrem honorem , ultra claritudinem generis ac splendorem majorum quidquam eis aut juris , aut dignitatis accedit. Dignitas enim omnis à Magistris , muneribus , officiisque publicis manat ; & inter vere nobiles , honor natalium per se indistinctus est ; magno ubique æqualitatis libertatisque præsidio. Certe & apud Romanos jus imaginum , & patritiorum honor , non aliunde quam à Magistris fuit: Consulatu nempe, Censura, Prætura, Ædilitate. Isque ad posteros sola successione derivabatur , & non amitti , non adimi poterat. Quid hoc vero, inquires, veræ generis claritudini aut vetustati officit? officit certe plurimum : Titulis enim istis , quibus apud exterros honor familiarum constat. non personæ , sed possessiones & patrimonia, stultissima prorsus ratione, insigniuntur. Ita in Illustri quamvis sanguine , ac

ne , ac stirpe creti, nisi hærèdes fint & successores bonorum , amittant titulos parentum, qui ad emptores vili sæpe origine homines, una cum patrimoniiis transeunt. Et ita honor olim virtuti datus , & illi foli debitus , cedit pecuniæ quocunque quæstu comparatæ. Illa & genus & splendorem confert, & efficit, ut solo censu tota nobilitas constet. Ideoque merito suspecta est, & non æquiparanda nobis , qui inempto & gentilitio honore gaudemus. Apud Romanos olim quam aliter! Certe si imagines in atriis collocatae , id est , expressi cera vultus majorum , cum affixis hostium spoliis, & rerum gestarum titulis monumentisque una cum domo ad emptorem transirent, non tamen in gloriam aut decus emporis cedebant : quinimo erat hæc ( inquit Plinius ) stimulatio ingens, exprobrantibus tectis , quotidie imbellem dominum intrare in alienum triumphum. Hæc ratio debet quoque apud exterios obtinere , ne aut clarissimorum virorum posteritas, parto à parentibus splendore excideret , aut novi homines in eorum decora & insignia titulo-

Plinius  
Lib. 35.

Ibidem.

titulorum irreperent. Cæterum antequam hoc de nobilitate finio , leve quamvis , dicendum est tamen ( nam id sæpe exteri mirantur ) quare nempe omnes videamur esse cognomines , communi illa in ski nominum terminatione. Obiter igitur causam accipe : quia nempe patronymica & possessiva apud nos ita fere desinunt. Vnde exempli causa Hispánicus nobis est Hiszpanski, Polonicus Polski, sic Tenczynius , ( quod nomen celeberrimæ apud nos fuit familiæ ) Tenczynski, &c.

Opulentiam familiarum dum referam , nominibus earum abstinebo. Nam singulas recensere longum nimis operosumque esset : paucas excerpere , invidiae ac offendæ obnoxium. Hoc vere in universum affirmo, non esse præ nostra gentem, quæ propius ad magnitudinem illam opum Romanarum accedat , æmuletur , & in multis æquet. Possessiones & latifundia agrorum, non dicam, cum Persio, privatis hominibus tanta esse , quantum non milvus soberret ; sed quæ multorum sui juris & potestatis in

Q. 3 Europa

Europa principum ditiones longe multumque superent. Magna illa sunt, & vere admiranda, quæ Lipsius, testimonio veterum, de privatis Romanorum opibus dixit. Et præcipue dum Senecam adducit, Romanorum avaritiam insectantem ac dicentem : *Ager uni domino, qui populum cepit, angustus est? Quousque arationes vestras porrigetis, ne provinciarum quidem satione contenti, circumscribere prædiorum modum?* Illustum fluminum per privatum decursus, & amnes magni magnarumque gentium termini, usque ad ostium à fonte, vestri sunt. Hoc quoque parum est, nisi latifundiis vestris maria cinxistis; nisi trans Hadrianum, & Ionium, & Ægeum vester villicus regnat: Nisi insulae, ducum domicilia magnorum, inter vilissima rerum numerentur. Magna, inquam, ista, & tanti imperii amplitudine digna, illique soli propria. Polonia non tam late regnat, ideoque nec mirum, si etiam privati angustius possideant. Attamen multorum avita patrimonia tam ampla sunt, ut si sparsæ per varias regni partes possessiones jungentur, facile provincias viginti, immo &

trigin-

triginta milliiorum (quæ nobis ejusdem sunt cum Germania mensuræ,) efficerent. Novi multos, qui centum, ducentos, trecentos, & amplius pagos, oppida viginti, immo & triginta possident. Sunt non pauci, qui, è ditionibus propriis, mille pedites, equites item mille levis armaturæ, quos Kosakos & dragones vocamus; immo sunt, qui tria, quatuor millia possunt educere: Inter quos partitus est ager, ut modico addito stipendio ad omnem nutum heri militent. Quo ipso certe ad eam mensuram divitiarum valde accedimus, quam Craffus definitivit; qui (ut Plinius dicit) *negabat locu-* Lib. 33. *pletum esse, nisi qui redditu annuo tueri legionem pos-* cap. 10. *set.* Reditus vero ipsi ex tam amplis possessionibus maximi sunt, sed non tam pecunia æstimandi (quanquam & ista abunde suppetit) quam copia & affluentia omnis annonæ, omniumque rerum. Immensa quippe illa est, & si eo pretio væniret, ea que parsimonia absumeretur, qua apud exterros, certe facile illos, qui antonomastice olim divites vocabantur, quos Plinius re-

censet

censet lib. 33. cap. 10. facile, inquam, æquarremus. Paucis quædam libabo. Messes, quas nos sexagenis manipulis solemus computare, tam abundantes, tamque optimæ sunt, ut filiginis & tritici ex autumnaли satu, multi decem, non pauci viginti milia, immo quidam & multo amplius sexagenarum (liceat mihi sic substantive efferre,) demetant. Tantundem vero ex vernalatione hordei, avenæ, & omnis generis frugum. Sexagena vero triturata duos fere medimnos exhibit; quibus si pensio frumenti, quam coloni annuatim multis in locis magno numero pendunt, addatur, facile inde proventus ingens poterit æstimari. Quid dicam de aliis commodis, quæ res rustica & agricultio suppeditat? quid de variis pecoris numero ac emolumento? Cum in majori Polonia, ubi res pecuaria viget maxime, triginta ovium millia quidam suis in prædiis hyemaverit? In Russia vero, quot armenta boum? Moris est, septennio quovis redeunte, decumam partem à subditis omnis jumenti ac pecoris exigere.

exigere. Et compertum habeo, quendam & decem millia boum exdecimasse. Sed cum nimis longa hæc expectatio proventus videretur, illum ita divisisse bona, ut in singulos annos plus mille acciperet. Plures autem sunt, qui, si eadem ratio placeret, non quidem tanto numero, sed tamen quotannis quingentos, sexcentos, & amplius habere possent. Piscinas non prætereo, è quibus uberrimus quoque petitur proventus. Earum rationem veteribus signotam descripsit eleganter & accurate Janus Dubravius Olomunicensis Episcopus. Quanquam non tanta, ut ipse dixit, cura aut impendio res egeat, præfertim in Russia. Non enim ibi *in seminaria attritus & geniture causa pisces imponuntur, non tenelli fætus inde petuntur, non piscine in tres classes divisiæ*, prout ista omnia exacte prorsus requirit Dubravius. Sed rivi suapte piscofi aggerè retinentur, donec ad certam mensuram spatiumque saepe maximum, & ad integrum aliquando milia Germanicum stagnaverint. Ita vero per triennium aquæ detentæ, per emissaria milli R fiscan-

ficcantur, ingentique piscium numero posse ffores beant. Qui etsi vili pretio venduntur, tamen saepe decem, quindecem, immo usque ad triginta millia florenorum una e piscina redditus adferunt. Mellis preventum jam antea retuli, quem solum agnovit Barclaius. Commoda item, quae petuntur e sylvis, & alia, quibus non luget immorari. Finio itaque hanc strictam de opulentia nostra narrationem. Et vere testor, me consulto ubique minora vero dixisse. Nam credi sibi volenti, non modo falsa semper vitanda sunt, sed etiam saepe nimis mira reticenda; Quia

*Tarda solet magnis rebus inesse fides.*

Ovidiu  
Epist. 16.

Eadem cautela utar, dum narrabo splendorem, aut luxum potius, gentis nostræ. In quo utinam non tam vera essent, non tam magna, tamque modum egressa omnem, quam haec sunt, quæ referam. Certe mallem, ut veram laudem continentiae potius & frugalitatis, quam vanam hanc pompæ ac profusionis quæreret & mereatur patria nostra. Attamen ut purgem illam

illam mendacii notam, quam imponit Barclaius, ostendamque non falsa à nobis narrari *exteris & expertibus nostrarum fortunarum*, sed potius, quia nos suis opibus moribus que metiuntur, ægre forsan illis credenda; Dico in primis, familiam nos alere supra omnium gentium consuetudinem numerosam, splendidam, per varia genera, officia, ministeria distinctam. Modus & ratio ejus apud Magnates est fere iste. Aulicos habent, seu honoratores quosdam famulos, genere nobiles, ætate maturos, moribus graves, rerum peritia aut militibus studiis insignes. Horum quilibet ferre ad rhedam eleganter ornatam, sex equos concolores impensis Domini alit; equum præterea, more gentis, phaleratum; tum necesse est tres quatuorve habeat ministros; & præterea, dum se jugibus vehitur, aurigas binos, atque agafones. Aulici isti in itinere lecticam domini cum rhedis suis, in urbe vero equitando, præcedunt egregia pompa, & semper anteambulones & deductores sunt. Mundities vero illis

R 2 exacta

exacta & sumptuosa. vestis ferica in promiscuo usu, immo frequens etiam auro texta. Arma argento culta, & phaleræ, & omnia denique eleganti ac splendido ornatu conspicua. Salaria ampla habent, præter id, quod in victum & sustentationem eorum cum ministris & equis impeditur. alii quingentos taleros annuos accipiunt, alii usque ad mille; quidam ultra annuam pensionem prædia singula, immo saepe aliquot villas tenent, gratuito sibi concessas. Numerus talium saepe ad viginti accedit, continuo aulæ adhærentium. Nam qui per intervalla, & jussi tantum a vocati famulantur, illi certe quinquagenerium numerum excedunt, omnesque certis & constitutis pensionibus pacti sunt & obstricti. Aliud genus famulitii est, quos stipatores vocare liceat, nos vocamus, Komornikos; Lecta nempe juventus, quæ binis aut ternis aliquando equis meret: omnes item genere nobiles, & ab aulicis ætate tantum dispare, alioqui munditie atque cultu non multum dissimiles. Vigin-  
ti, tri-

ti, triginta aliquando & ultra habentur. His accedunt adolescentes, qui à cubiculo sunt, & qui penitiora circa herum obeunt officia. Et hæc nobilium est manus. Sequitur alia turba famularis. Musici in primis magno numero variique generis. Scio qui in solos symphoniacos Italos annuatim impendebat quinque, sex millia talerorum, præter mensam, quam illis præbebat. Iam vero structores mensæ, promoscondos, coquos, & plurimos item officiales aulæ, qui tot laboribus sufficient, longum esset referre singillatim. Potius custodum integras centurias, per nationes distinctas recensebo. Commune igitur laute ac splendide vitam agentibus centum, ut vocant, Dragones, Germanicæ ut plurimum gentis; Kofakos centum, è Volochia fere accitos; centum denique pedites, quos Hoidukos vocamus, Hungaros natione, continuo alere, & hanc ordinariam manum semper præsentem habere, vel securitatis, vel ornamenti causa. Quoties vero domo prodeunt, nempe ad co-

mitia, aut ad alias publicas functiones, tri-  
plo, immo quadruplo, majori utuntur co-  
mitatu. Vnde facile est facere conjectu-  
ram, quantis impensis tam frequens & tam  
numeroſa aula egeat, quantum in stipen-  
dia, quantum in victum & amictum tot  
hominum erogandum sit; quantum deni-  
que conſtet ſuſtentatio & pabulum equo-  
rum, qui magno prorsus numero, & ſæpe  
ducenti, trecenti, & ultra aluntur. Ad  
alium ſplendorem gentis ſi transirem, ſi  
ſumptus varios, ac immensos memora-  
rem; ſi aſotos illos noſtros recenſerem, fa-  
cile appareret, non aliam gentem eſſe, ma-  
gis proclivem *ad cuncta*, *quis pecunia prodigi-*  
*tur*: Magnificos enim apparatus convivio-  
rum, exquita cænarum ingenia, cibos  
aliarum nationum, & quidquid opiparum,  
quidquid eruditii luxus ab illis inventum  
est, paſſim & laute uſurpamus, *appofitas* (ut  
dixit ille) *dapes*, *non tam ſapore*, *quam ſumptu*  
*eftimantes*. Condimentis certe ciborum or-  
be novo petitis, tanta copia utimur, ut  
Hollandorum, qui ſoli iſta vendunt, teſti-  
monio

Tac. 3.  
Annal.Lat. Par.  
in Paneg.

monio ſciam, plus eorum abſumi in Polo-  
nia una, quam in reliqua Europa omni.  
Vſtium vero ſumptus quantus fit, teſtis  
Italia, quæ ingenti cumulo ſericum nobis  
ſuppeditat. Et negotiationem hanc apud  
nos præcipue exercet, alioqui (ut antea  
dixi) ceſſatura ab opere, cui ſoli maxime  
incumbit. Auro certe ac gemmis, purpu-  
ra ac byſſo nitent ac ſplendent omnia; &  
aliarum gentium lauitia adeo longe à no-  
bis eſt, ut parsimonia mera, ſed oſtentatione  
inani artificioſe teſta videatur. Ve-  
rum ſufficient iſta, non in laudem certe,  
ſed in aſſertionem ſplendoris, quem nar-  
ratum exteris imminuere, fidemque ejus  
abrogare videtur Barclaius. Ultima vero  
ejus, quæ ſupererit pravi in nos affectus aut  
judicii nota, jam ſequitur iſta:

Sævire (inquit) quam decipere promi-  
ptiores; & ipſi magis fraudibus,  
quam vi patent.

Iterumne ſævitiam objicit & imprope-  
rat?

rat? Iterum hoc probro Patria vindicanda? Non certe: Nam & satis hac de re dictum est, & non lubet cum Balatrone isto ταύλογενι. Agnosco vero & amplector nos non esse deceptores: Libenter aliis sagacibus & astutis populis hanc palmam concedimus; & fateimur, illos in omni vita versutiori ingenio esse, quam sit (ut cum Plauto dicam) rota figularis. Non tamen fraudibus eorum patemus, & prudentia munimur, quæ merito *in vitio ponit* & omnibus credere & nulli. Nisi forte à Scottis saepius nos falsa & adulterina merce deceptos didicit Barclaius. Tales certe homines, & in re vili

*Plant.  
Pſend.*

*Qui cavet ne decipiatur, vix cavet, cum etiam  
cavet.*

Alioqui non illa nobis simplicitas est, quæ incautos omnibus efficiat. Scimus fraudulenta ingenia dignoscere, possumusque non modo vitare eorum artes, sed etiam cum illis αλοπεχίζειν. Cum autem à vi nos tutos esse dicit, cur non fortitudinem nobis

bis propriam commendat uberius? Meretur profecto hanc laudem armis invicta gens, & nullius unquam exteri subiecta imperio, nullius subacta potentia, & de qua olim Poëta cecinit:

*Maxima pars hominum, nec te pulcherrima Ovid. de  
Pontio,  
Eleg. 3.*

*Roma, nec Ausonii militis arma timet.*

Latus lætusque esset campus, evagari per historiarum amoena spatha, & exinde argumenta petere fortitudinis nostræ. Facile esset fusos fugatosque parva manu hostium exercitus, castra capta, expugnatas urbes memorare; & comprobare, nos vere obicem ac vallum esse, vel (ut proprio elogio utar, quo nos honestavit Pontifex, post Chotinense cum Turcis bellum) *Antemurale orbis Christiani*. Facile, inquam, hæc omnia narrarem, nisi satis essent hæc, quæ hactenus dicta sunt. Cum etiam pæne pigeat, tantum operæ in exiguum hanc scripti laciniam impendisse. Vnica est excusatio, quod, etsi levi occa-

S fione

fione provocatus , non levia tamen , neque hactenus exteris nota , de origine , situ , indole , moribusque gentis & patriæ nostræ dixi .

F I N I S.



24 [S-avinde]